

相
山
集

王之道



欽定四庫全書

相山集卷一

五言古詩

和呂叔恭題和州香林湯

宋

王之道撰

是行趨郡苦淫雨獨坐精舍中賈邵周出示和倅

呂叔恭詩頃忘逆旅之態輒繼其韻

新詩等締繡文采照座右尤憐繼絕唱崢嶸競高秀詞
源眉山長句法杜陵舊相從今老矣豈獨歌邂逅香林

在何許溘沸發巖竇其流漸清溫脈助草木茂歲旱添
苗槁一溉十倍收追游記疇昔我僕苦痛疫別來隔兵
火荆榛挂猿狖溫溫自然湯蠲痾古非謬我聞泉所發
江海遠相透其溫本硫黃氣味自同臭大哉無礙浴天
地不輕授嚴霜與烈日冬夏特異候人生困凌薄往往
少中壽飄飄凜雪力狴犴忽蒙宥春寒不喜出塊坐撥
殘榼晦陰又連朔夜雨屢通晝誰能慰窮愁邵州有賢
守開篋出大軸令我和其後此意重虛辱勉強忘固陋
呂侯卿相家博學靡不究會當似前人嘉猷日告后君
看華清宮誨淫似招寇當年從千官車馬所犇轆漁陽
一炬火曾不半錢售爭如寄僧房泠泠灑苔甃常隨塵
土濯永免脂粉漱

和富公權送行詩韻

公權提刑年兄與之道有四十年鴈塔題名之舊
備員湖北始得見君子聯王事相從二年所以眷
予之意何翅骨肉今之道罷官以歸於分攜燕餞

之餘特出長篇寵光行色令人戀戀不能自己輒
勉強次韻

叨塵四十年靜計所得祿十分才二三清餓似饑鵠中
昨守義陽一時苦窮促忽聞柏臺長表薦徹聰目不惟
免罪戾英游許追逐接武憲漕間寒庖見梁肉從兄逮
兩載種種荷推轂容我數百輩大矣空洞腹為憐昔同
升相看日不足芳時木芙蓉唱酬動成軸燒香每開奩
惠茗屢傾麓青青閱冬夏高視松柏獨顧我如砒砒詎

敢比良玉而尤不我鄙步驟俾繼躅是行集霰候霜威
日增肅解維在朝夕離緒可堪觸戀戀重摻袪移庖過
吾屋紫囊出巨編還我海陵錄全家被燕衍日盡繼以
燭何人繪紅鮮想見編項索腹腴愧偏勸佐此一杯綠
實筐出越羅幣帛更加束酒闌兒女曹起舞應歌曲殷
勤藥石誨美疢肯滋毒新詩追古作高義激頽俗臨岐
沐寵貺固陋敢虛辱但慚水底蛙勉趁絲與竹正爾無
足道聊用資報復謙謙古君子厚德卑自牧請歌伐木

篇敬謝醜與速

有薦胡仁叔為歷陽令者仁叔以詩通知已暇
日揚德潤錄以示予因次其韻

四海皆兄弟三界是道場果且無彼我安用分封疆胡
公歷陽來氣焰何可當威嚴走邸吏不露太守章錦衣
榮會稽暮雨成高唐觀望改儕輩雞羣鶴昂昂斯民苦
兵火有意哀勞傷豈無九轉丹為助千金方古來記循
吏不稱苟道將殺弟自取酷防人人所防子潛去少室

淵明戀柴桑出處雖異事一夢歸黃梁昔日骨已朽傷
哉今也無^七邶國歌柏舟曹風賦鵜梁將來河伯喜未覩
若與洋大小自有見一笑還兩忘我生分每越泉石成
膏肓棄遺等麟角空虛漫龜腸常欲埋車輪除姦繼張
綱召此人氣和致彼天時康語之有暇矣未窺夫子牆
理所不可及馬腹徒鞭長詎知王者師異日漢張良願
言三顧廬卧龍起南陽

和張詠老

三公與刺史秩等二千石人生不知足犇馳竟朝夕誰能話名理尊酒時促席賢愚大相遠叢玕映叢荻多謝張南巢詩筒肯予覓琅琅若明珠其來自靈壁僧房聊解鞍當暑得偃息挽回清微風筆有萬鈞力

彥嘉通守當今之俊偉人也余心向慕之常以未獲識君為恨茲因孔純老遂有邂逅之識其何幸如此將歸純老置酒餞別僕實預坐酒數行純老丐詩於彥嘉以記坐上笑談之樂頃刻掃數百言揮毫落紙雲烟飛動永叔所謂盈前盡珠璣一一難簡汰者殆謂是耶索鄙句不敢以固陋辭輒和北莊二詩奉呈

春寒不肯去穀雨猶袂衣溪流灑池塘遠看綠生漪識君恨不早語離我心悲行行欲何往丞郡金房西

顛風送飛雨日日吼東北簷聲決江河傾瀉不成滴朝來喜新霽晨光透雲隙垂楊翠幄開遠岫青蓋立孔君公事暇侯子歸期逼開樽且精設論文萃清集顧我老

無能分甘口挂壁行矣不可挽思君浩無極

送無為倅張南仲歸吉州

吾友李粹老少也游膠庠六年得一第自謂貴且昌
社席不知戒飛黃中道僵三閱大淵獻歲月亦已長
嗟嗟死非所至今未能忘忠言類良藥苦口不見嘗
那知兵火餘獲見同舍郎來丞濡須郡兩歲依餘光
邂逅偶及此為之淚淋浪高義藉激薄美政稱扶傷
康沂富邦國何獨歌王祥江城四月盡麥熟梅子黃
歸歟佐吾君談笑躋羲皇遙應不可留船頭鼓其鏜

次韻因上人晚菊簡魏定父

荆棘困松柏風雨亂昏曉干戈幾時息年來費天討
孤芳如謝安端恐非小草此意誰人知伊余相自保
不學桃與李芬芳競春時天公豈多情清露為君遲
榮悴休問命冷暖當自知青熒夜窗燈相對哦新詩
離索自可笑衰遲誰見憐亭亭搖落中一枝曉窗前
正色有家法細看清且妍浮觴未云晚松醪吾所便

經年混蒿艾蘊藏應待時清香密漬沈微風助紛披宋
玉昧秋意乃作兒女悲君子有所養因君觀解頤

道人如青松孤高不成叢愛此黃金花蕭然有淳風新
詩皎秋月警我野性慵佳意不在酒此身今醉翁

介壽誠有取無問人所宜君看菊花潭事見桃源詩東
坡百世士敢比流俗知相逢勿相失不醉欲何時

黃華如故人別久喜復面澆泥一杯酒安用較深淺清
霜開浮雲黃落信風捲巖巖幽素姿秋來不多見

鑑止亭

揚波欲澄濁孰若波暫停止波濁自澄萬象無逃形世
人競馳騫方寸不得寧投閒幸一來先生常獨醒

燈下讀魏彥成諸公詩因次其韻呈曾子修諸
君

距春尚旬月春信已回柳時來芝與菌往往出糞朽流
俗不自重困窮變操守貴賤等人耳未易遽薄厚桃李
何敢輕所報必瑤玖一笑置勿論肯有君子酒

見山堂

淮西提幹章序臣即其官舍遠亭之西為屋數楹
命名曰見山堂蓋繁昌諸山一舉頭則隱然見於
簷外也

浮雲開西風落木少夕陽誰人步東籬采菊哦秋光悠
然若有思此意何可量南山適當前翠色摩穹蒼我心
不期見我眼偶相望吐哉逐獸夫泰山空在旁

西靈鷲

我聞西靈鷲幽竒冠龍舒山神知我來夜雨自滌除籃
舁犯霏微敢憚石徑紆清風偃林柯征衣盡霑濡樵人
向我言君行欲何如松杉已在望尚有七里餘崎嶇雨
過水蹊雲上天衢飛樓及湧殿崢嶸映浮屠幽鳥若相
喜好音弄笙竽為言一宿覺何妨更踟蹰

憩靈鷲道院

黎明發龍門亭午憩西院冒雨且不辭寧能避泥濺是
行良不惡此處殊可戀從今山中人何獨識吾面

追和老杜種萬苽詩并序

春晚雨過行蔬畦見園夫栽萬苽謂予曰苽有二種其色青而味苦者曰牛耳其色白而味甘者曰銀條今方得銀條一束于鄰翁將栽以作種子顧園畦纔十數畝已過韭且老矣惟牛耳青青可愛而園夫以苦鄙之傷時惡直醜正不見容於君子

因和老杜種萬苽云

我有數畝園荒穢索鋤理干戈何許久生意困屠燬道也其興與時哉亦甚矣去年失短呂培植乏驅使今年得老楊衰病更臨起晚苽已蕪沒早韭就茅靡菁菁何所有萬苽獨牛耳縱苦可自珍供盤况瀟洒銀條直且甘風味胡伯始其視李太尉小人與君子明明如古鑑不慮纖塵止廓廓若太清強欲浮雲滯老氏有遺訓重去彼取此方今向太平皋夔正端委臺省登碩德要荒竄誣毀擊寇豈無人蕃將來黑齒破齊在不日逆以誅正已停觀勞還役杖杜顛采芑萬邦遇有道貧賤古人

恥文王來呂夷漢祖致園綺異時免溝坑願附織貝筐
種田庵

古人即耒耜自有中田廬者君種田庵名異實則如滌
場歸去來宮功不容紆

庶餘堂

高堂面山水境與動靜兼惟動故能樂惟靜故能庶樂
也知有餘庶也笑無饜

次韻魏定文

半年去城府寤寐溪東扉有時得君書想像挾石猊豈
知紀渚子養氣如養雞應響與疾視一洗三旬非我生
坐窮困哆侈傷南箕鼯鼠亦何物焉用千鈞機封侯綈
避統藥等手不龜所用有異耳此言寓非危梅蕾良可
人如椒綴南枝芬芳想不晚太皞方執規

次韻沈次韓見贈

我狂衆所知賴有君見容十年臥巖壑百念付一空新
詩似流泉涓涓江漢供人言雞羣鶴我目霜中松相距

無兩舍會見何溟濛誰能寫離索正藉詩思工

次韻許志仁

我技類族庖用刀常月更君才妙天下遊刃得我驚前
年獲相值因憶吳中行一別忽兩載依然舊交情新詩
壁夜光厥價輕連城相思不可見把玩我願盈筆札擅
南州文章動西京行矣秋風高更聽賓鴻聲

盆池

剜苔得古鑑湛湛清不渾大哉壺中天勿與俗子言誰

能時汲井注茲老瓦盆欲觀從容條無羨橫海鯤

秋晚采菊和徐伯遠

少皞司肅殺於渠獨留情一枝黃金花照眼增雙明香
清露溥溥秀色雲英英會當飲潭水使我病骨輕

題德章山郭養源墨竹

曾次富盤錯筆端妙蒼翠霜枝豈人為烟葉有生意與
可骨已朽此法誰復嗣偉哉尋丈姿綽有萬里勢

追和東坡雨中睡熟至晚

春睡酣帶酒晚食美當肉細觀東坡詩萬事貴精熟一
陰七十日雨意猶未足山雲開復合簷溜斷還續東隣
嬌癡兒索飯恣啼哭驚迴夢中蝶重把君詩讀

會河道中

會河村店西沙水清練練我行獨帶月滉漾掣金線凝

寒逼征衣霜華重如霰至此懷僧彌老淚幾欲泣

會河光州

境也建炎初家弟嘗尉浮光故有是句

和龔聖任即事

新詩似霜月諦玩清且好欲見勢未能思君令人老啟

蟄在朝夕雷雨發枯槁願言從杖屨高吟備搜討

月臺

低迷委境柳氛氳被池蓮亭前秋雨餘明月來嬋娟高

臺甃蒼玉清風夜周旋舉杯屬姮娥醉舞還踟躕

小橋

芳榭遶流水春餘半篙綠登臨賞幽花茲亦我所欲小

橋果何往長堤正相屬朝看龜魚游晚聽鷗鷺浴

次韻朱元順食萱草羹

衰年困羈旅百念日縈繞著龜亦何知憂來又將老出處稍不慎遠志成小草堂陰有孤芳紛葩照人好誰將忘憂姿擷芣等蘋藻充腸固甚慰入鼎可堪擾糠粃貧者事甚矣兄逐嫂異時饜梁肉記此一羹飽

贈術士羅世忠

春秋有羅國之子豈其後家傳錦囊書相地走淮右為問何所宗此法古所授卜瀍與卜宅周孔語非謬用能

游公卿所至術輒售有時過吾廬乘間得頻扣談詩涉坡谷說卦本爻繇是名陰陽家未可容易詬歸歟春雨霽飛花撲襟袖遙看玉筍峯巋然插天秀

送無為宰趙渙冰仲

百里寄一令於民為最親休戚咳唾間詎可非其人趙侯古循吏當世無等倫竭來宰濡須舊政俱更新雖無赫赫名吏戢民稱仁善良仰若父姦欺畏如神幸哉百里地兩載銷顰呻果膺君相知贊書下楓宸不終三年

淹徑作帥幕賓秋風散炎酷夜雨清埃塵寧容卧轍留
高檣艤江濱君看眉間黃華近茲其因

映雪亭

蕭然數株梅皓與雪相映臨池鑒踈影影落大圓鏡不
煩粉塗株寒光助嚴靚

題宿雲軒

朝來怯秋霜生撒甕裏清我老顏已衰一杯聊發潁村
危怪我醉忽吠三兩聲蜀月不可見宿雲有新行

酬朱元順參議

予與元順分攜十有六年當公出守安陸贊畫荆
南予以踈愚自投閒放聲跡久相絕向者汎江之
役獲邂逅於湖陰語不終晷而篙師催解舟悵恨
無窮今乃得相從於都城之東其何慰如之蒙示
新詩輒用韻書呈因以自警云

舟来自金沙敢避江路繞計程踰五月書勞比三考湖
陰見君處取別殊草草因思會面難相從意彌好新詩

何所似繪繡錯華藻賡酬愧空踈祇益我心攪亨否有時命恭倨任妻嫂行矣無忘饑俗諺戒一飽

送張仲甫赴江西參議

仲甫參議與予昧平生臨安一見傾蓋如故是行將赴江西余竊快之輒成古風奉送行色

我生坐踈拙逢人輒傾倒語言無淺深出口被伊惱為孽匪天作受攻本誰造懲非每嚼舌事已復自蹈可憐愚不靈蹭蹬到今老識君無幾時底裏見襟抱古人重

傾蓋相從恨不早是行若登仙江山為君好無繇挽畫鷁此意增戀嫻何當寄相思臨風慰衰槁

曾欽道家山圖

曾判官式古出按郵傳來歸自濠示予所賦曾倅欽道家山圖古風予雖未果識欽道而披其圖然獲於式古詩中窺見一斑恨不即命駕以償願見之素因謾成二十韻寄欽道尚冀異日遊桐廬訪子陵之遺跡而謁欽道於家山親見家山之勝而

賦焉紹興庚午六月壬申

永叔愛清穎穎明仲樂陽羨投老獲所歸為計亦良便何
如強健時從官山水縣升虛得吉卜恍若地祇薦曾侯
卿相種才業固邦彥而况盛德後世祀乃天眷式古吾
畏友被命按郵傳來歸自濠梁訪我出詩卷為言有華
宗疇昔無半面相逢遂相喜笑語至舞抃其家負家山
山水家可戀松篁遍森列岡巒互縈轉臺池及花草高
下爛明絢粲然圖一幅規撫坐中見予嘗賦此詩好事
敢獨擅縱橫一千字把玩不知倦桐廬在何許東望眼
欲眩子陵亦往矣釣瀨清練練家山亘今昔昔隱今始
現彼美曾侯賢何當覩巖電

題李夢發搖碧堂

羣仙俯平湖冰壺浸蒲壁齋淪五千頃峩峩一萬尺蒼
松偃旌蓋翠竹森劍戟纖塵不可到湛湛見砂磧詩人
嗜好異方寸富泉石堂成欲臨賦牋管羅几席偶然對
漣漪微風緩搖碧高吟寓動靜真賞廢晨夕璇題壯簷

楹玉軸走賓客清商入葱蒨積雨洗炎赫翱翔下幽鷺
從容出圓鯽穿荷過獨舸傍柳倚輕策此興復不淺何
日當有獲君方事閒放佳處勿輕擲明年谷鳴騶金閨
遂通籍

和陳阜卿為湯與立壽次韻

我聞無量壽世作天人師有禱必感應如形影隨之吾
兄盛德士吏隱江之湄巖巖棟梁材為楠豈所宜守道
心自適怡然見雙眉何當日千里整頓黃金羈嗟予拙
無用正坐千林姿荷兄獨青眼少雪羣兒欺蘭菊雖異
芳春秋莫予遺相逢一樽酒駐馬聊共持偶觀香霧鬱
髣髴初生時願兄壽無量登庸侍彤墀年年遇今日酌
酒共瑤卮

欽定四庫全書

相山集卷二

宋 王之道 撰

五言古詩

次韓子雲白蓮韻

金縷不相稱
紈素新裁衣
坐令時世粧
屏跡從招揮
施粉定太白
增分却成肥
須知冰雪肌
秋月揚明輝
來從姑射山
一洗百念非
何煩障青綾
高談解郎圍
亭亭翠蓋中
老眼省見稀
搖風自披拂
照水相因依
傍觀慎無

前恐犯丞相威不如太華巔食藕家翠微

追和元微之春餘遣興示王覺民

物態有榮悴時令互消長墮身名利場魚鳥在羅網豈
無金屈卮聽此石方響殘花日晴陰落絮風下上春事
雖已闌餘芳尚堪賞我有臨溪亭疎櫺為君敞青青小
荷錢雅與水相養狂吟醉題壁縱目懶扶杖仰止李謫
仙筆端走羣象九原不可作夜夢見精爽栖栖亦固矣
君子坦蕩蕩相期醉醑醪偕來衆無鞅

九江解舟順風追和張文潛

朝來轉西風天巧借吾便解維湓江口去若弦上箭水
光漾朝曦過浪掣驚電周旋謝神貺冠坐敢不變斯須
走四驛俛仰驀二縣誰知久留滯一旦乃適願吾聞信
由中溪毛可羞薦咄哉和氏璞底事待三獻亨否自有
時時亨百無譴雷聲在淵默若訥故大辨千巖與萬壑
左右供几硯落帆風亦止璧月熨江練

花洞

浮渡竟何處欲游未能游夢寐金谷巖神往形獨留異
哉城市中芳菲自春秋長紅雜團綠結成巖穴幽

怡顏堂

人生無百年半被憂患苦其間開口笑一月僅四五誰
能眇庭柯怡然見眉宇積財不得用真是守錢虜

蒸紅亭

桃源果何處溪流出殘紅忽然見桃花灼灼搖春風蒸
成日邊霞高吟思無窮

史佐才讀書堂

我聞輪人扁妙解書中義當其聽讀書默識聖人意忽
然釋椎鑿有問發茲祕雖云聖人語糟粕豈精粹齊侯
詰其說無說當致死請以斲輪觀固入要非易不徐仍
不疾心手在相契是中有術存非言所能既扁也亦何
人所得乃至此固知斯道在天下本無二觀君榜斯堂
令我端拜議相見堂中書填箱溢巾笥縱橫三萬卷一
覽悉能記左右逢其原下筆不能綴我昔攝東城君時

尚童穉如聞侍先公往矣江之涘崎嶇三十載於此忽
相值出示諸公詩圭璧爛庭瑞君家依水竹亭臺繚幽
邃作堂於其間讀書乃其事嗜好與人殊可以見君志
明年冠羣英先正祕書字

題王亦顏清心閣

湖光浩無際遠與列岫并風澄烟霧開炯若鏡面平高
人對萬變寸田常默耕擾擾亦何為豈容方寸櫻有時
鑒湖光愛其靜而明那知水是物心清物還清徘徊不

忍去傑閣指顧成閣成何所喜畫棟連朱甍大江西南
來羣山東北橫江山不待招宛轉趨簷楹諏度多暇日
登臨有餘情論文一樽酒對客手自傾酒闌復徜徉觀
書弄穎泓使人之意消鄙吝何由萌嗟予頑鈍姿栖栖
亦勞生從今事疏淪永守清心盟

追和韋蘇州詩呈周守敦義

并序

癸亥五月兀坐逆旅中讀韋蘇州郡齋雨中與諸
文士燕集詩玩味兵衛森畫戟宴寢凝清香之句

不能自己輒用韻書呈敦義知府舍人年兄以丐
繩削

江城五月雨千里荷花香清風吹葛衣鈴齋有餘涼日
宴吏卒散槐陰掃高堂歸來欲偃仰歎息不敢康設醴
致佳客論交到相忘高文如大烹未慣染指嘗何當侍
函丈獲賦蔓草章君方扶搖搏我獨蓬蒿翔平生一壑
美未見北海洋願言承至教雖老當自強

寄題魯如晦需堂

魯僖有賢商家在吳江東宏詞與奧學浩渺江無窮魁
然棟梁姿久困荆棘中抱能未施邦殆與張籍同人皆
盲於心我目昏不矇而君乃勇退奉祠環堵宮築圃號
通隱花竹羅青紅郡山湧其前湖光湛沖澗日哦松菊
間志氣驕王公客來醉需堂飲食需奴僮嗟予老且倦
齒豁兼頭童田蕪未能歸慚愧通隱翁

題李夢發知足齋

荀卿重無禍老氏貴不辱不辱非暫榮無禍乃長福吐

哉名利場甚矣身世桎得侯方馬公懷金未忘玉經營
蛾赴火犇走蠅嗜肉方當從後搏寧復念前覆李斯悲
黃犬揚雄誚丹穀二者儻胥失萬此亦何足是理甚易
知允蹈君所獨使人之意銷豈止我心服不貪子罕寶
屬厭女寬腹庶幾聞高風將遂變流俗

夏日雨霽郊行次韻劉春卿

皇天久不雨既雨晴亦好食已得從容偕行石城道桑
麻光似潑山林淨如澡蒼苔長綠髮嫩荇搖翠葆離離

實攢椅藪藪花褪棗風梢水中蒲烟葉湖外草新秧良
可喜勃然見興槁老農競耘耔出作恨不早誰家列午
餉蔬筍雜鮮薨田頭立婦子柳下坐翁媪寧能擇豐甘
放筋等一掃旁觀猶快意思想見慰傾倒嗟予少力穡自
取官遊惱何當賦歸來鬚髮已華皓

次韻陳勉仲登羣山觀

十年放江湖親朋益疎散不知跬步間游覽有奇觀因
君寄新詩心日益悽斷東城俯荻洲下有魚鳥亂想見

江南山終日對書案小立筇杖倚兀坐葛巾岸高情渺
雲外竝議涉唐漢嗟予衰且老兒輩逼婚冠豈復敢言
詩觀詩重增歎春容容來大軸玩味起頑懦窮愁欲誰知
富貴當自斷探虎愧呂蒙思鱸抗張翰別來能幾時鬢
髮暗凋換養成杜甫懶甘作元結漫何當遂拂衣疲馬
解韉絆卜鄰大期東攜酒日相看

題龍舒天祚宮玉虹亭

山祇不愛寶傾寫白玉霽秋陽正炎赫噴薄爭清明我
疑石韞玉白虹貫巖泓源源自何來萬古風雷聲

聞蟬和彥時兄

浮光我家尉近處惟高安嘗欲為親擇敢作非意干憶
昔從東來飛雪凌羈單青春不可挽明月裁齊紈三釜
竟何地一囊今屢彈我有醉翁吟試從薇外彈古人骨
已朽知音果哉難孳拳抱枝蟬未露先號寒緬想江南
山瓊梳碧成攢僧窗開南薰俯仰天地寬詩成有佳句
往往勝得官

贈筆工柳之庠

我昔丞歷陽好筆得柳生維時習治久羣盜方縱橫生
售數毛穎一一簡擇精作字可人意為我供筆耕不知
二十年天下乃復平爾貧技不售我困功無成布衫負
箚笠羸然過柴荆我老廢讀書無意游管城千錢與斗
米聊爾餉此行歸家飽妻子一笑嘲彭亨

送彥立兄遊太學以恩袍草色動為韻

鼠腊要非玉篴聲偶先塌窮通一生事早晚焉足論行
行欲何之闊步登金門有意韓淮陰報讎如報恩

西風曉飛霜獵獵吹征袍丁寧顧婢語肯效兒女曹舉
鞭問長安詩海令誰豪我欲從之游痛飲歌離騷

文章我家勃人喚腹為藁隨行載中書所至得揮掃新
詩如秋月皎皎清更好惠連有佳夢池塘遍春草

梅花破朝寒似欲壯行色駸駸小驪駒回首便數驛一
鷲在雲路鷲鳥空累百從今馬賓王不是新豐客

君子贈以言古人重相送大梁在何許我心欲飛動兄

才如青錢萬選仍萬中行矣喜冬晴北方地多凍

題璋老清閔軒

予暇日過吉祥愛其竹徘徊不忍去長老璋公方葺小室丐名於予因誦退之筍添南堦竹日日成清閔之語取清閔二字以名之後五年歲在壬申

三月既望璋訪予索詩不辭為賦此詩

典午接曹氏其風扇浮虛當時波浪從高談乃其餘竹誠松柏流一日不可無子猷為此語千古誰能渝堂堂

韓退之議論荀揚徒詠竹美清閔長篇載諸書吉祥在無為隱若西南隅我來過梅雨新竹環精廬風梢弄蒼篴日影穿扶蘇高標挺直節勁特凌萬夫道人謂予言吾方葺吾居公其為吾名要令與實符清閔退之詠是軒良不孤何當對此君搜吟更躊躇

和魯如晦喜雨

我本山中人當暑玩泉石高吟清風朝長嘯明月夕前年徙江城舴艋劣容席是時暑雨過黃流沒青荻城中

無置錫僦舍至三易邇來成小築風月得相覓執熱想
飛瀑白練掛蒼壁頓從俗甌中令我獲蘇息尤憐昨夜
雨洒濯有餘力

和楊德順題袁望回假山

遠岫來蒼石閑庭出翠巒小松分豎髮新篠列叢玕雪
竇臨窗見香爐俯砌觀鈎連千尺荔掩映一枝蘭坐覺
清吟勝門無俗事干縱真聊爾爾莫作假山看

假山

幽人愛九華曾臆富岩竇疊石談笑頃窗間列遠岫一
拳儻興雲其功等高秀君看負山者盍亦備茲冠

柳徑

我笑陶彭澤門栽五株柳柳成復自號清陰亦何有豈
如兩分行一徑入花藪白氈春盡時青障雨晴後

古松

老松如蛟龍氣奪百萬軍根蟠蒼崖石稍拂青天雲山
神護野火地主訶樵斤魁然棟梁材為之獻吾君

白蓮池

白蓮如玉人高潔謝脂澤圓荷作翠蓋掩映秋水碧小
亭日相對無言倚輕策

種橘

或言千樹橘貴可比封君先生種橘意此計何足云珍
絕色香味解醒有餘勲

次韻王山甫春日出郊探梅

倚竹有佳人天寒玉肌溫永懷經年別及此春日暄幽

閒誰與娛依依映丘樊計臺二三友才高工撥繁幙府
公事退聯鑣出郊原城南富卉木勝處陳家園東風發
萌芽柳眼暗若昏昨宵一陣雨清爽到乾坤植杖芳草
徑繫馬枯桑根觀梅不忍去錯俎羅金樽主人笑揖客
徘徊倚朱門指揮羣兒輩薪水相撫存鄰婦抹紅粧來
覘攀籬援酒酣詩思逸筆力華旗塞薑鹽芼蕪菁絕勝
瓠葉幡蕭然出塵姿飄飄欲騰掀桃李分當避蜂蝶那
敢喧誰能移將歸栽培擁高垣要令百種花俯伏爭趨

犇不煩頻出游正恐嘲短轅太簇初應律飛翼尚翩翩
何妨醉瑤舟大嚼供炮燔手撚一枝春吟嘯窮曠曠可
憐廊廟具沈滯三家村和羹似不晚作詩與招魂

對雪和子厚弟四首

凍雲不成雨巧作白玉霰寒光借曉色報我東窗明起
來撥殘灰煖酒手自傾多謝麴居士於人殊有情
前村不多地坐覺阻且長梅花應已開鼻觀來清香天
公愛衰朽古木敲鳴璫僵僕巧耐寒冰柱生承漿

青腰夜種玉不見稠與稀將軍欲何往滹沱正流澌軟
火燒黃精我爾寧苦飢行行復行行舌在請勿疑
瑤林我家風銀色佛世界泠泠一川水淙玉漱寒瀨敲
冰往得魚撥凍自挑菜山居果如此冷暖任交態

和沈元吉與唐用崔乞菊

黃華如幽人別來我念之邂逅適我願詎可無一辭緬
懷東籬游舊與西風期乞我三百株爛醉風前杯休文
有佳裔咳唾成新詩把玩乞菊章頗覺前篇非寄言崔

藍田捨之復誰貽

和魏桐城題三瀑泉贈湯洞卿

犇霆響空山飛連泉掛絕壁毛髮忽森豎精神共英特平

生卽壑姿至此意頗適何必游九華龍眠自尤物

雨雹碎晴峯珠璣瀉石壁勢增九軍勇氣壓百夫特先

生我輩人一見願自適壯哉三瀑泉表表塵外物

題雙峯磨院瀑布

烈日冰雪皎淡烟玉虹明誰云真珠簾要之亦強名我

來少躊躇一洗塵埃清便欲覓千斛為壓歸裝輕

予紹興三十二年夏四月三日行部至山中時

月上人方入山十有八日旋披荆棘立數椽以

居其徒明年改元隆興夏六月二日再過山而

堂室粗備且於雲母泉側創為茅亭使往來觀

者得以駐足而酌甘誠可嘉也時巴陵尉臨川

李克仁高密劉孝廉華容尉權三衢徐二譽在

馬子邁侍行

去年入山時孟夏暑猶薄來觀雲母泉陰崖坐盤礴老
 禪披荆榛經營始興作山空斤斧響丁丁振林壑俛仰
 恰周星炎赫苦若陵薄昨朝發岳陽東風怒還惡驚濤送
 輕舟十里沙頭落投涼不在曉肩輿上磽确僧徒笑相
 迎此意安可却高亭蔭白茅羣峯峙青廓偕行二三子
 臨泉一杯酌呼僮瀹石鼎煮湯旋和藥誰令俗士駕急
 去能不怍因成數句語聊發後來喙

欽定四庫全書

相山集卷三

宋 王之道 撰

五言古詩

癸酉閏十二月朔旦入夜雪復作靜言歲歎斯

人艱食展轉不能寐強沃一杯徑醉因成此詩
 宿鴈驚江渚餓彪嘯林邱不知雪如許但怪風颼颼起
 看堂前柳枯梢夏鳴球安得萬家春解我饑寒憂旋支
 折脚鐺移燈視床頭發蒙餘半餅聊温三四甌鳴腸時

一沃曲身漸和柔遙應原野間錦衾覆釐蕤農夫庠錢
罇指日望有秋願言開同雲東郊從春游

再用前韻謝潘壽卿見和二首

小人南郭綦君子東家邱相從濡須塢雪案風颺颺眼
界眩堯綿耳根闐鳴球何妨具杯酌一笑寬百憂不見
劉帶花逢愁但搖頭時來看崔盧姓名覆金甌我願霽
晨霜粟烈還溫柔黃金著高柳綠浪翻來蕤要令扶犁
兒力田遂逢秋飽食奚所須鼓腹同天游

新詩清絕俗相見胃中邱飛泉落高峯風聲助颺颺又
如清廟中河圖見天球不惟竦觀瞻玩之可忘憂是行
何處來楚尾連吳頭一杯聊效芹大似勝茶甌賡我喜
雪章詞情和且柔久旱民苦饑重憐來與蕤勃馬來爭
春富哉蕤向秋吾君德無邊今與和氣游

再用前韻謝章濟之見和

我欲訪蓬萊長笑挹浮邱此身插兩翼冷然御颺颺樓
臺聳瓊瑤草木叢珠球周旋於其間不知塵世憂願言

久未遂俛仰今白頭茅齋夜飛雪碎玉敲風甌平生鐵
石腸化作繞指柔年饑百無贏接新待來麩君才似鷗
鷗脩翎正橫秋沖天在不日入侍巖廊游

四面山午飯澡雪塵土往太湖二首

白沙浥夜雨蒼龍弄朝日清風滿行路駸駸馬蹄疾溪
聲靜如漱嵐翠濃欲滴我豈山中僧前身飽游歷
重門掩松篁傑閣夏霄漢溪流水晶軟石棧雲母粲清
游不可失微勞敢言憚斜陽無相催我欲濯塵汗

次韻徐伯源九日閑居追和淵明

閒居遇重九對酒懷陶生陶生不可見愛此重九名清
霜肅時令天宇增高明依依遠山色隱隱賓鴻聲泛酒
黃金花人言可延齡嗟予不解飲酒到從之傾媯然木
芙蓉搖風倚東榮雖無窈窕歌自足娛吾情鼓琴復何
為年來泯虧成

追和東坡喜雪用王覲韻

長安一夜雪酒價湧朝市何人獨耐寒脩然立庭砌盈

盈竹間梅靚粧欲誰媚冰肌與玉骨似不勝風袂豐年
貴三白麟鳳敢稱瑞要令輿論協庶遂我心慰春回在
朝夕枯荻動和氣尤憐麥蓋錦秀發功必倍憂葵亦何
為度日如度歲不如擁百城陶然六經醉

對雪二首再用前韻

同雲晝暗空孤城早休市行人失道路賀客擁堦砌翻
縞語亦工飛絮思爭媚飄飄何所似想見六株袂盈尺
信為大三白乃成瑞梅花不畏寒點綴若相慰高吟撚

凍鬚詩社頗增氣薰然一杯酒神速功力倍來麩被餘
潤預可占有歲便應呼老農發醅取沈醉

我笑袁司徒閉戶雪中市高眠罷炊爨冰榻對瑤砌豈
如王孝伯鶴氅鬪清媚隨風揚柳枝縱橫撲襟袂冬溫
犯春令破白已為瑞何妨盈地尺萬井共歡慰草木含
餘滋山川鬱佳氣清寒入詩骨敢問酒價倍日月同過
鳥燔烈又興歲老大不足悲吾今但心醉

書懷示周少隱右司

我生動多艱一笑不易得
竭來坐逆旅俯仰空太息
吾人當代秀文章擅華國
分攜十四載復此見顏色
怱怱未及款歸程忽云逼
願君因索塗為我指南北
金門與玉堂努力事登陟
聞將咫尺書因風寄相憶

因納上人寄題望江張氏春暉亭詩

青青原上草初生殆毫芒
爾來沒蓬蒿似有三尺強
春暉主發生萬物資餘光
遲遲雖不暴萋萋自能長
條風與穀雨其功固難量
予嘗優劣之豈得相輩行
大哉發

生恩欲報不可償東野古純孝作詩本肝腸懷親感春暉義見游子章凱風亦遠矣此道何茫茫惟餘東野詩千古遙相望張公雷江人雞羣鶴昂昂冰魚與冬笋志慕孟與王結廬守松楸至行稱淮鄉我不識君面因詩得其詳

一經堂為王亦顏題

我身非我有天地暫委形
諦觀子若孫相值如浮萍
崔昭與李兼甚矣愚不靈
積錢遺芸窟轉手還星星
何如

散羸金人遺以一經韋賢不可作高風看典型公家世
植德蘭玉滋芳馨三鱣偶墮砌伯魚初過庭明明有聖
訓言之爾其聰退而學詩禮齋扉晝長扃矻矻對月牖
孜孜守風櫺冬映孫子雪夏聚車公螢有時聞誦詩流
泉韻泠泠懸知睟見面巖電仍雙熒行當擢賢科發策
驚天廷致君此其術何獨取紫青

苦雨呈蘄守徐次公

涉春苦淫雨連綿過梅夏西來二十日終朝走泥濘林

霏欲開戶簷溜又淙夜勢如黃河翻聲若滄海瀉頽垣
就崩摧敗屋遂傾卸垂成麥傷潦將老蠹病柘那知困
羈旅正恐害耕稼痛哉兵火餘人物久凋謝瘡痍索撫
養鬼瑣煩教化方推中年恭復獲潁川霸是行良不惡
漸美同噉蔗况承雙魚書敢緩千里駕平生慕山水尋
勝每偷暇何妨見君子大厭顧榮炙一舉欣兩得重研
輕百舍登臨興何窮吟咏樂無價猿鶴互酬對雲烟競
邀迓巖松升龍矯溪橋斷虹跨尚恨阻豐隆未果訪姑

射須煩段文昌一出補天罅

告春亭詩為江寧令荀晉仲作

淵明晉高士從官非所好當時令彭澤為米聊寄傲公
田三百畝一稔足炊爨明年春二月農以仲春告為言
當舉趾西疇雨如膏雨後春日遲不寒亦不暴欣欣木
爭榮民析肯居隩感此萬物時吾年迫衰耗餘生復幾
許遑遑近顛倒翩然賦歸去豈為折腰躁兄也今淵明
強盛當遠到學問窮古始文章配盤誥十年宰兩邑五

月政三報去冬得兄書憐我加慰勞仁言暖於帛失喜
至舞蹈其間何所云作亭縣之奧為農榜告春此意在
勸導我欲求子詩併以示倪耄春作苟盡力秋成可無
禱先當起疲瘵次用振凋耗別來忽九載觸緒增戀嫪
塞命敢不勉一笑一杯犒

次韻同年蔡仲平察院遊西湖

朝日不受霧晴光似暉暉忽然快我心清風為解圍坐
見九里松旌幢碧相依天竺了在望上有祥雲微西湖

一千頃圓荷覆青衣輕舟競遊覽往往俗客稀幸及新
雨霽欣逢露初晞水光與山色高低映郊畿佳哉氣葱
鬱觀闕何巍巍誰云門庭遠咫尺承天威諸公萃俊傑
高論玉塵揮載酒旨且多不醉無庸歸餘歡到獻酢灑
灑雙鴛飛新詩爛錦段想見勞心機顧我雖百拙續貂
重相違明年若重来種種當如幾

和秦壽之喜雨

雲峯擁稜層不動若頑石追涼困無所何當日云夕揮
簾汗如流欲卧莫安席雲頭從北來微風動疎荻滂沱
一尺雨旱魃驚辟易巾屨獲暫御尊酒容復覓誰憐貧
長卿空洞家四壁熬熬爐炭中萬物同一息明朝槁苗
興農畝歌帝力

秋日訪程元明喜雨而作

去年夏六月我來自臨安滂沱一夜雨原隰俱瀰漫俛
仰忽再秋秋旱畎漴乾嘉穀槁垂盡萬口空長歎我從
相山來朝雲起嶺岼油然遍寰宇半道濡征鞍亭午至

君家簷聲落驚湍詰旦視大田青青已堪看會見百室
盈陋巷飽一簞何獨解君憂我心其少寬襲芳富卉木
秋炎苦摧殘柯葉頓欣榮秀色良可餐速宜置尊酒一
洗儒生酸我雖不解飲醒狂佐君歡

和天寧因上人韻送僧用懿住桐城金繩山

老松如蛟龍秋來露鱗甲雷霆昨夜雨奮迅以時發道
人繁可流出世雨相法至今獅子吼狐兔尚驚怛金繩
小金山突兀一峯拔桐城舊知音相招遺書札世情強
輕重祖道無廣狹天寧有佳句鐘磬鬪鏗戛嗟予邱壑
姿歲晚麋鹿狎屬和良不工前詩萬鈞壓

送延上人歸雲峯

去年出山時飛雪正撩亂慙懃大洪老呵筆寫真贊為
言化菩薩持鉢江北岸欲將說禪相醒彼瞋睡漢別來
能幾日漚滅冰且泮似聞妙湛師接踵還舊觀公歸勿
惆悵生死同夜旦幸有囊中金了此一重案

送遵禪者

阿遵我輩人相從十年舊行肥形愈瘠身貧道常富厥
初為天衣持鉢化淮右袖攜維衛錄訪我過蓬陋若言
法華山有象金所就其來自西土隱現不可究我時嘗
記之爾耳亦聊復誰令慈忍師鏤板播疎謬向來天衣
遊追隨遍巖竇高談屢絕倒寢食廢宵晝歸與又同舟
半道過濠壽是行寄先瑩一再獲邂逅清霜殞羣木淒
勁搥衣候翩然不我留雲山挺高秀

次韻慧上人見寄

別來六改歲想遍江南山江南二百州雲水相往還秦
望冠吳越嵯峩俯塵寰法華在其側參差擁高鬟幽花
自芬芳好鳥時緜蠻傳聞發夢寐登覽忘劬艱去年謁老
聰默坐焚金顏忽然獅子吼頓覺醒冥頑子今從之游
舊習須夷刑人人自有分既悟不我慳請看釣魚翁滿
船載魴鰈

用東坡三峽橋韻贈源上人

解衣振林霏歌枕聽簷溜飢腸欲雷鳴病耳忽牛鬪自

嗟兵火餘十載困淮右崎嶇窮水石邂逅遍巖竇山游
雜麋鹿野處狎猿狖那知膏粱肥但覺蔬筍瘦寶林吾
北隣晨夕鐘鼓奏疎篁玉森列樛木弓半彀來為聖人
祝歌頌發清晝歸餘雨脚稀溪流靜如漱

和韋蘇州遊靈岩山寺韻呈言上人

我老懶成癖貪此林泉幽誰令吳中來兩月乘江流闔
門十日雨不得歷虎邱讀子靈岩詩還復令我愁想見
韋左司擁騎當年遊山中雨新霽綠樹鳴鶯稠乘興自
不惡金風颯清秋

游白雲山海會寺

龍舒富山水白雲又其角七峯互回環仰見天一握古
木森見幢蒼藤大張幄初疑翠黛掃頗類青玉琢飛泉
何處來其勢自天落春撞吼雷霆激射紛雪雹田家承
下流伐石競耕鑿搖風麥初齊泛水秧尚弱恍若桃花
源誤入不容却况有古道場碧瓦照丹雘樓臺鎖烟霞
松杉聚猿鶴我來孟夏初征汗衫如濯行行不知勞梯

雲上青廓入門寂無人幽鳥自相樂登堂趙州出此意
亦不惡徐徐叩其端善巧萬金藥銷除愛欲惱凜浣塵
土濁山神似相留入夜雨還作明朝出山去欲去更盤
礴何當賦歸來寄傲酬夙約

題三祖山

觀山不憚遠有癖老增劇是行迫王事所過飛鳥疾路
傍四五祖不得着脚歷朝來所幹集我願容自適衝寒
走海會嘯吟遂終日眷言三祖山經從阻良覲僧果知

我意飯僕濟行色崎嶇五十里入山及未是山頭殘雪
在青瑤點微白殷勤承老禪傾盖同莫逆為言住此山
予寶始今日欲以扶我衰不鄙昔背輕策捫蘿助探討躡
石共登陟羣峯聳遙翠一水漲深碧行行何所喜兩脚
有餘力歸來飽香積清淡更過昔

五祖山

我生事幽討塵埃良獨難竭來舒靳游登臨每長嘆如
何勝絕境佛屋多所安大哉慈悲力神功助剷剗住處

未易言小道亦可觀五祖古名利樓臺倚巔岿崎嶇六
七里縈紆三百盤懸崖擢青士夾道羅蒼官飛泉響環
玦幽芳馥沈檀我來及新霽千峰碧玉攢忽聞杞犬吠
旋覺壺天寬水聲濯午暑嵐氣生晚寒心目快開豁腰
脚嗟蹒跚看雲更搢筇披風少凭欄欲營五畝宮它年
寄衰殘試煩問祖師莫作非意干

贈浮屠有則

我老不能詩其窮類詩人多謝二三子強以窮相親師
從何方來過聽誤失真袖攜諸公詩丐我種後塵顧我
雖不能欲辭空師嗔勉作數句倡拙惡慚無倫

題澄上人願菴

我生困語言老大猶棲遲吐哉一言失雖悔何能追常
欲說向人到口還怛怛不如靜中坐此理吾所知春風
入城郭古寺花開時廣庭積雨過紅紫初紛披偶逢願
菴人強丐願菴詩是菴清而虛底事名為願南陵有徐
子頃嘗吏于斯作字妙義獻學易深坎離慎言與節飲

卦象不可欺君看命名意往往只在茲

追和游謝氏山亭贈賢上人

春早久不雨既雨風日清桑麻被膏潤往往爭欣榮花
鳥發詩思湖山歡野情駕言南畝遊遂有西塔行雲光
鬱在望地僻路亦生賢公方外交別來鶯再鳴相逢話
疇昔茗椀喜屢傾多謝二三子壺漿競邀迎

黃梅東禪寺

南晉今黃梅東禪舊青蓮曹溪竟何許龍朔知幾年我

聞二祖師屬袂茲褊褫片言道有契千古衣相傳栽松
與春磴為此一大緣朝追固若迫夜度亦大遙邇來五
百載兵火數變遷惟餘墜腰石繩竅徒空穿堂堂吳生
畫筆法世所賢絹素雖朽蠹丹青尚依然嗟予二三子
平生慕真詮來游獲瞻仰投老當周旋獨恨走俗狀明
朝又加鞭臨池更徘徊圓荷汎漪連

題智果寺

呂侯妙章句珠玉走隣境想當落筆時豪邁不淹頃智

果古精舍松篁轉岡嶺幽人所盤礴俗客作遠屏春雲
忽解剝林日光炯炯門迎有高僧烏用賦渴井開緘讀
數過令我發深省老來習懶放萬事廢不置猶憐閭中
趣日月頗增永何當遂浮家百口具舴艋不見六一翁
夢寐在清潁人生會如意歲晚果得請

菩提院

菩提古精舍兵餘但茅茨我行勸午暑少憩容奴炊山
僧老無子養蠶如養兒奈何煮白蠶乃欲繅青絲燕泥
固可惡覆巢似非宜不聞兩足尊頂雀安無隳我亦學
佛者言之為興悲作詩書壁間以為浮屠規

黃頓琅玕山永福院

我從光明來十里得永福山中何所有離離見疎竹前
人目琅玕用意良不俗誰能對此君蔬飯賤梁肉

成相院

山前羅萬松邀我行數里不知幽人居但愛亂峯峙新
晴翠似潑乍熱汗如洗幸獲聽潺湲何妨濯清泚

弔魏敏功贈住菴通老

一別異生死三年能幾時埋玉不可見拱木徒興悲通
老奉香火坐閱歲月移圓顱點飛霜夷曠真吾師

和因老游水寨府治東軒二首

市井從東州水竹自西府我来與公偕盤礴日歌午從
容河底魚樂哉得其所此意與誰論相看默無語
買山荷疊錢照天水開府幽花有餘香誰復為賈午勝
句須斯人清游更何所臨深未能還我欲作危語

題崇因院信上人宿雲軒

秋聲入高梧暝色上疎竹南山攏青螺過雨淨如沐悠
然孤飛雲窈窕轉林麓自疑歸去晚意欲窗下宿道人
等虛空去來斷追逐雲來不吾拒雲去不吾速相從一
息頃便覺靜綠熟何以照我心老蟾掛枯木

宿彰教寺

過市欲投宿穢隘非所安人言五里餘有寺潔且寬驅
駑犯泥淖敢憚風雨寒稻塍與兔徑縈紆度千盤衣裘

被沾濕脚膝加蹣跚因思聖人語後獲當先難壯哉古
道場翬飛映層巒秀色藹松檜清香馥芝蘭我心大有
得豈惟厭遊觀行行勿躊躇霽日升林端

贈六安文殊亮老

予是行按蓼館於文殊獲與亮老款坐上邂逅會
勝葆公清談三夕而二師苦於病惱皆有高舉遠
引之興故作是詩勉之丁丑夏四月辛亥

我從東蓼來水竹遂幽討崎嶇至于六獲見文殊老文
殊方外友僧門素稱寶平生首肯處可嗣布禪皓寤寐
思捧喝邂逅得傾倒何妨萃高人坐上識吾葆會勝索
支撐得師恨不早勉為雲山留未可止中道

贈僧辨端

南僧如竹葦在處即成林雖去常人髮不異常人心邈
哉端上人所得趣向深雲泉香火裏日夕常苦吟為我
有詩名踏雪來相尋相尋緣底事論詩復鳴琴我是折
腰吏衣帶塵土侵何以謝吾師恨無虞師金

送尚老之江西

豫章翠巖因老以書來招前無為報恩尚老於其
行也作詩送之

道人野鶴姿昂昂在雞羣誰能戀場粟俯仰勞骸筋飄
然欲何之駐目西山雲西山甲南昌雄勝天下聞翠巖
為之冠有客許見分旋酌秀溪月煮茗特勸君寄言翠
巖老吾將謝紛紜尚有鼻端堊須煩為揮斤

贈浮屠勤上人

澹勤道人吾畏友也作別十二年為國清持鉢來
歸過敝廬見其坐禪窮晝夜至廢寢食歎其不可
跂及故作是讚

隔宿不問道此語幼所聞汨沒塵土中歲晚方得君學
道戒怠惰成功在精勤勤哉勤道者取名不徒云別來
十二秋東游遍溫鄞持呪動至暮坐禪常達昕寸陰古
所惜今君惜餘分兢兢窮晝夜直欲忘齋薰軒昂冲天
鶴那容混雞羣我老懶成癖見君但歡欣茅齋無一物

坐對柏子焚忽然捨我去翩若風中雲

龍門呈心老

千山倚天高一徑穿雲斜忽然見樓閣知是佛子家蒼
松老不死天矯如龍蛇霜皮自鱗皴風梢互槎牙幽花
似蒼蘊清絕不可加過庭送好音異哉碧鴿伽我來不
忍去一步三咨嗟終當解冠裳從師卧烟霞

國清化人示寒山

師從天台來示我一集詩開編未及讀涕淚已交頤紛

紛世間人迷罔覺者誰浮沈苦海中欲出無端涯寒山
與拾得旁觀為興悲作詩三百篇勸戒仍嘲嗤覺此未
覺者當下成牟尼此意亦良厚柰何人罕知師特國清
鉢欲救雲堂飢贈言亦安用聊以報所貽

奉送果上人住開先寺

我昔游靈均年少心猶童到床即甘寢寧問達與窮精
爽忽飛越夢到廬山中廬山最佳處二林占西東開先
在其間泉石清而雄分明我所記古剎磨碑豐長銜似

持節覺來夢還空俛仰殆三絕紀蹭蹬老更癯貴賤等夢
爾夢覺一理同持節何足道得時可三公說夢真夢語
笑殺懶散翁翁今往開先憑何警盲聾將此一轉語截
斷雙石硤源源自何來其去何所終

次韻因老見贈

扁舟歷陽來訪君得少息登堂默無語見者稱目擊去
年糝江上羣盜羅劔戟君時濡須游入山笑相揖肩擔
祖師禪問答揮即粟豈惟警聾聵亦足慰岑寂春容褪

丹青雨意鋪水墨定將儻赴感澄霽自端的麥秋數日
間飢腸頗貪得兵餘敝廬盡何獨空四壁維摩幸無恙
胡避有新室白雲本無心能歸定能出巋然三傑峯况
是舊相識我有半山丹和劑等菖朮為言山中人蟠桃
已成實

欽定四庫全書

相山集卷四

七言古詩

信陽和同官喜雨韻

宋

王之道撰

欲識農夫田作苦久雨禱晴晴禱雨禱晴得雨雨得晴
此患到今傳自古苾芬非是蕭蘭馨誠心一發通三靈
文昌俗吏亦何者乃能致雨興雷霆爾來旱氣熾熾熱
夜望天涯電光掣原田嘉穀半焦黃何獨枯魚濡涸輒

忽然一雨洗瘴昏珠玉無邊難價論坐令愁嘆變歡抃
千岩萬壑江流奔從今不厭商羊舞十日一犁均下土
漏邦寒儉酒味醜且磴新茶共分乳庭前花草還青葱
想見黍稌紛芄芄吾君早晚覆疆宇豐年將見追元豐
天人大抵常相即人若必天天可必願修人事格天心
天若不從非所恤泰身自復先朋來時通端不憂塵埃
新詩要非所宜辱敢以木李酬瓊瑰六年無蓄號不足
菜色定應緣半菽要令汭暴似海岳豈但河沙論秉斛
炎天赫日當流金去國多年思轉深只今淮北望霓切
須煩伊傅資商霖

次韻子厚弟喜雨行贈趙守端質

我生畏暑如畏焚奈此歲寒風塵昏十年廢放卧巖壑
名雖八品身黎元恒暘乞雨雨乞霽雨轉為淫暘轉熾
不知此理果何如每訝天心異人意去年避地還家園
蒿萊滿目高侵天秋陽肆虐冬益甚涉春陂澤皆平川
邇來焦槁遍區宇黃金融液膠流弩趙侯日為疲瘵憂

應怪魯書三不雨天人大抵常相資顧我碌碌傷無奇
鶯漿苦涼屠苦熱敢望屏翳從招麾聖主東巡羣后覲
萬里江淮方水運折衝禦侮賴親賢何獨為霖福斯郡
精誠昭格吾誰欺頃間禱雨人所知忽然簷溜瀉河漢
數聲霹靂轟相隨公堂六月清無暑旋磴龍團試分乳
官曹相賀復何言且戒農夫築場圃小人託庇安村墟
獲同野老歌而呼願公玉帶懸金魚奉報得雨禾生稔
霏霏不厭沾衣裾稍晴欲自躬犁鋤斯民食足吾其俱
何妨把酒仍觀書

酬潘縣尉

縣尉遠遺佳篇獎與過當而其中見及亡友錢子
全王堯明二公皆俊人非碌碌者不幸相繼死矣
埋玉樹於土中使人情不能已輒用韻書謝

堯明文采燦星宿子全道義高金玉傷哉二子不可見
墓上悲風號拱木逢君論友話偶及令我吞聲為渠哭
因渠感君不我鄙遠寄錦囊詩一軸有如貝闕羅珠璣

東攫西拏厭吾欲又如康衢走騏驥朝越暮燕惟爾逐
匹夫獲罪坐懷璧誰使夜光衝蔀屋仲尼知本故稱水
請看懸崖瀉飛瀑我從二子方弱冠俛仰三終同轉轂
壯年登第今已老碌碌無奇堪齒錄羨君節操似松筠
雪裏高標仍絕俗已將義命等窮途肯為身名強榮辱
高情慷慨憐衰晚妙句縱橫丐膏馥開緘反復讀數過
骨竦毛森頭殼棘施隆報茂君勿謂明月輕投得魚目
人生遇合會有日行矣鳴騶入空谷變調元化坐明堂

長使斯民歌鼓腹

贈淮西運幹徐伯遠

伯遠得印於予里人楊德潤其文曰東海開國揚
自其先侍講與南昌潘延之游印蓋延之所遺而
故常侍徐公舊物也從潘入揚凡六十年至是復
歸徐氏亦異事也為作詩以紀之云

嗟予偃伏淮南村十年不踐公侯門誰令金印入魂夢
平章六字承君恩左手人頭右手印此理未可輕易論

丈夫蓋棺事始定擒戎會使來稱藩爭如徐子擅騷雅
筆力豪縱今文園楊君收印六十載細觀制作同新翻
為言常侍故家物其先得自南昌潘珠還合浦有時節
餘慶未艾鍾初昆子今得之類摘鵲此貺重可輕瓊璫
便當準擬佩三印併與文安遺子孫

和王覺民梅花詩

覺民寄示梅花詩有強拙者屬和之意予衰也豈
能與諸公爭豪取其填塞章句可也

梅花似是東君客漏洩春風犯寒坼冰肌玉骨照雙泉
應為孤根借泉脈先生狂得次公醒詩思藹藹飄晴雲
為憐老拙有舊分俾預勝賞沾清芬我時被酒酒初透
香撲鼻端曾一嗅別來飛雪往未能想見精神愈高瘦
西湖處士真詩仙東坡老人所推先豈知此花自竒絕
神功妙語相爭妍浪言投李報瓊玖牛後何如作雞口
我今無物報投瓊木李雖輕聊藉手先生標致良可人
此詩不減花娉婷相當歌枕初得句夜興冠坐如驚霆

願君追作淮夷雅換取公卿重文價嗟余衰矣不復論
但欲高門容駟馬

沈湯輔隱軒

小隱山林大朝市夫子命軒良有意仕途捷徑固無取
泉石膏肓亦猶次不知朝隱誰得之我恐曼倩為近似
公卿百執各有職豈容妄隱但充位古人祿仕所不免
意在全身近於智莊周梅福此其流吏隱之名可無愧
沈君有弟今休文咳唾成章數千字恥從舉子事進取

逸韻高情寓吟醉乃兄宦達方強仕翠竹停鸞想鳳致
君侯才業伯仲間退以求名名亦遂方今堯舜理四海
巖穴彈冠求自試朝廷既治羣吏肅何處堪為隱者地
不如市隱最得策大勝山林自憔悴花源繚繞轉紅綠
竹洞深沈入幽邃我聞此風頗健羨圖成未可日月冀
他時儻作江西游兄曰能來訪予季

大梁食李有感呈彥時兄

葵花已過荷花繁南風入戶清而溫擔頭有李初入眼

令人引脰懷家園三年為客在兩處李熟未果登清樽
翻思整冠誠可樂何苦鎖核輒不存急宜買冰致凝凜
全勝汲井供潺湲小床方簟嚼春雪一實自可輕瓊璫
扁舟行逐東南犇回首稻梁江上村相歡孰若弟與昆
古來唱和須麈尾

用子蘭韻賦九日小酌

春日歸來忽重九潦旱相仍歲無有庭前巖桂獨青青
此意于人亦良厚欲酬佳節拚一醉會有白衣來送酒

須臾穀核第羅列無蟹猶空把螯手坐來靈雨灑珠璣
洗出湖山競高秀三公在望無百里咫尺銀屏擁其後

三公銀屏蓋無為南北山也

長篇落紙箭離筈大白浮醪簷注溜細

看黃菊與紅茱想像年時還話舊登高何必須人扶我
有筇杖頗堅瘦明朝寫出醉中語牽帥不知誰唱首

春晚書懷

十年萍梗三到吳走俗未暇觀西湖是行信步至湖上
水光山色開天壺游人雜遝半羅綺一徑不憚穿雲紆

歸來神思頓清發詩中寫出錢塘圖張侯妙語何所似
青玉為案黃金鋪要當聯轡事幽討邂逅得句相招呼
東坡已死不可作因君對景還嗟吁水僊配食竟莫舉
但見舊隱環菰蒲山間有寺過三百終期徧走參能儒
還家兒輩若問我庶免不知空囁嚅

和劉春卿夏日閔旱次韻

何人夜作秋蟲號吟詩坐對山月高想當龍門奪錦袍
從臣拱手看揮毫衡門咫尺臨江皋浮光灑灑翻金濤
滿帆何處乘風艘千山過眼同犇逃不防鱸鯉兼魚羔
酒酣起舞如飛猿醉中往往笑成咷一時輩流籍湜翱
嗟予蹇剥意鬱陶七年坐困山林牢爾來天旱地不毛
釜魚薪蟻何噉噉誰能讀詩夜焚膏只益心蓬增目蒿
丈人純白羞桔槔終日抱甕忘其勞今春屬國紛旗旄
兩淮供億爭鳴磬干戈載戢弓其弢此行輔弼環蕭曹
藁街首鹵懸酉豪買牛賣劍犢賣刀我雖不飲當漱醪
堆盤况有瑤池桃鹿鳴會賦嘉賓教予衰尚可追風騷

過集湖德濟廟用趙尉廉留題韻示周欽夫程

彥游

秋陽汎汎流清輝
帆腹不張旗脚垂
靈祠輪奐湖之麋
水天一色成玻瓈
西軒爽塏高不危
憑欄下瞰羣山卑
鬼神亮我心無欺
風濤縱險夫何疑
區區犇走勞驅馳
和光未免世俗隨
相逢一笑聊伸眉
明朝摻袂還東之
蕭曹有節未見竒
往往樵牧相鄙夷
吾生傾否會有時
窮愁過眼無足悲

次韻張文伯喜雨

新詩句句堪流傳
令人讀之神凜然
孟君已死不可見
如公筆力今無前
天生百穀養萬姓
暄潤稍闕功難全
江城秋旱望一溉
斯民窮極伊誰憐
滂沱忽澍雨三尺
槁苗厭厭蔗絲絲
不知何以遽得此
有賢太守方承宣
焚香默禱辭未絕
精誠已格高高天
油雲垂布若可攬
沾濡車蓋初言旋
西成指日多黍稌
頌歌未負賡豐年
豚蹄盃酒謝神貺
鼓腹一笑非予偏

和董令升喜雨用前韻

夜聽簷聲翻急雨想見膏潤均率土先生休戚共斯民
憂在惓焚非憚暑人情類被飢所移我爾相忘自甘苦
寧從禱早身暴日肯對驅蝗歌侑俎用心何獨追老杜
大庇寒儒歡廣宇要令匹夫被惠澤上致吾君堯舜數
嗟予糞朽伏邱壑尺短寸長無足取游蒙珠玉過稱揚
丈夫殆以氣相許

次韻畢少董游西湖

西湖春晚未全熟湖上山光互明滅往來冠蓋競駢闐
斷續笙簫共哽咽我憐湖山山見憐波間湧出佳人鈿
太真一去不復返圓荷萬點胭脂錢船頭美盼珠的皪
不必洞房深處覓忽然相值更相呼嫩藍衫子山爭碧
腸斷騷人一軸詩細看烟柳想腰肢明年我亦西湖去
遲日風光二月時

西湖游次韻趙見燭

山鎮在越澤在吳東南形勢憑江湖不知弱水竟何處

恍若員嶠連方壺海門潮至飛雪湧天竺雨過遙青紆
十年不見看愈好正復妙筆那能圖蒼松搖風翠蓋偃
芳草藉地柔茵鋪僧舍朝游恣登覽酒樓夕醉爭歌呼
竭來俛仰春又曉對花無語空長吁作詩既非拙者事
強欲寫書編澤蒲偉哉得志佐明主進退百辟稱鴻儒
應憐伺候犇走輩終日趨趨仍囁嚅

天寶歌和魏定公文次韻

連昌宮中馬為樂一時舞馬黃金勒君王養欲臣養文

忠鯁漫多寧救藥嗷嗷萬國風中船檣傾拖壞夫何言
潼關莫拒范陽賊傷哉天廡空連錢翠華西去遙指蜀
應念霓裳舊家曲六軍敢怒誰敢呵馬足空污太真肉
始皇布漆徒堅城元海斬木徒輕兵驅魚驅雀強鷓獮
乃使後世蒙佳聲亂離每憶昇平日忽對新詩重嗟泣
望仙花草自春秋悵悵六龍歸未得

和江和仲司理喜雨

天憐輒鮒噓殘濕震奮雷霆起幽蟄清風入夜送雨來

大慰焦枯望霓急新詩如雨雨未休相對自可忘百憂
東臯秋稔想多秫預期劇飲無論籌老蟾宿畢君知否
欲煩更問東家邱我今已具西歸舟會見扶桑升赤虬

鹿泉居士王覺民頗有杜子美不徹之惱和東

坡憶梅韻鍼其膏肓

鹿泉居士身若槁不慣看花夢顛倒桐廬有客燕新昏
妄託嬌癡重伊惱凍雲垂地雪欲落斷雁叫羣天尚早
一枝何處寄春來便覺寒窗自華好瓊瑤萬里眼界淨
咫尺前村莫輕掃留將青女伴孤芳長向茅齋照衰老
先生才思老不進寤寐池塘見春草對花酌酒祝東君
煩把窮通問蒼昊

次韻胡德輝松軒時乞兵戍淮

伐蛟生得鬚髯蒼隱然為屋分三梁廣寒恍若東西廂
清風入座衣披猖蕭蕭終日聲奏篁一洗鄭衛無伊涼
嗟予頑鈍鐵石腸時危命蹇甘皇皇江城正苦夏烈日
淮甸已懼秋飛霜綠尊翠杓且徑翠喜與夫子參翱翔

平生邱壑老更劇夢想朝露珠璣香何時元戎北渡森
旗章料敵制勝一一盡所長雞羣野鶴看昂昂

大柿行

丙辰夏秋雨雖足百穀與蔬果皆凋耗不豐惟柿
特大異常歲昔所未見夫大柿大事也其為國家
之祥乎其掃清強敵迎還兩宮之兆乎馘豫臬麟
蓋不足道也作大柿行以歌之

君不見鄭虔學書晚彌篤歲收柿葉貯三屋興來寢食

兩俱忘但覺毛公老而禿又不見梓人造車度羣木木
中無火柿所獨舊言蓋軫象乾坤須信斡旋歸一軸美
哉此果有常德結實何曾問荒熟霜餘萬顆綴寒林下
視黃柑類奴僕牛心取象庶髣髴斗得名何浼瀆火
乾既許暖關膈冰冷當知解煩燠今年夏秋足時雨盡
道和氣鍾百穀西成僅得十之五亦見陰陽有盈縮就
中朱實繁且大照野煌煌駭人目較之常歲遠不侔正
似蚪勝難趨斛國家運厄困強敵一紀于茲事弓韞空

庭喋血在今年我已不疑更何卜禾和鞋諧古云識大
柿之祥天下福請賡繼伐獻吾君王者功成四方服

秋日苦雨和子厚弟韻

烟鬱濕薪費挑撥可堪餘瀝濺如潑吹霞弄日語縱工
正恐詩人類迂濶屋角蕭蕭霜葉鳴夜靜亂我糟床聲
詩成欲寫輒復已鄰雞犯早催天明

贈曾桑中彈琴

春寒沍連冬春雪深數尺千門擁瓊瑰跬步燕越隔朝

來有情意淡日透雲隙殷勤貴公子訪我跨龍脊登堂
笑不休為言督詩責君嘗許我詩俛仰歲三易至今猶
未償無乃遂食言我老苦健忘百不記六七公子誠有
意何吝話疇昔昔也君過我我方事琴歷嘗為陽春弄
次第長短側君乎鍾子期此舉不輕擲聞之思茫然髣
髴見擘趯我有朱絲絃塵埃久侵蝕試煩一再鼓助我
毛穎力公子不我拒抱琴枕雙膝須臾扣商絃當春變
秋律涼風着草木離離盡成實我貧人不知陋巷家四

壁何幸空之中登此黍與稷但恐時令乖瘡痍至生疾
公子其反是叩角夾鍾激不然總四絃命宮以調適坐
令景星與慶雲為福為祥遍萬國

欽定四庫全書

相山集卷五

宋

王之道撰

七言古詩

送趙達

仲達比在蘄州教授彥逢弟處訓猶子遠去年來
赴運屬徐季功之請朝夕與兒輩遠遊相討論老
拙間得奉談塵今當東還來索鄙句窮愁無好語
勉强塞其請成古詩十四韻奉送且簡莫德裕

人生邂逅非偶耳一面豈容輕愠喜白首如新傾蓋歡
誰解乘閒究斯理君家江南我江北南北相望殆千里
惠寵顧我端有由衰滯不應能致此為言前歲在金沙
幽討窮探徧山水論文獲與阿逢游賸馥殘膏丐猶子
是行來赴徐卿台昨日扁舟方戾止阿逢聞是公僧彌
予乃阿逢門下士知公間放今杜門所舍與公殊密邇
何妨旦夕侍杖屨執經仍與諸郎齒過從彈指見周星
入室芝蘭被蘂蕙須知四海皆兄弟高義似君誰可比
徐卿報政趣歸朝畫鷁高檣艤江涘明朝車騎遂東還
有便時時遺雙鯉

贈李廷吉知縣

慶源王公所至視吏民如家人人安樂之東坡先
生有詩云青衫半作霜葉枯視民如兒吏如奴吏
民莫作長官看我是識字耕田夫蓋為慶源作也
李無為與予昧平生方到官之初境內大旱曾不
三日而雨遠邇霑足予固疑其有以致之已而訪

之民間盡能言其拊循矜恤之政咸以為當世未
見其比者故因求之古人得王慶源於東坡詩中
輒次其韻奉寄庶幾異時以備史官之採擇云紹
興壬子

李侯入境憐焦枯指麾屏翳如家奴坐令大旱變霖雨
一時凋瘵歌巖夫我思東坡不可見夜諷新詩還撚鬚
慶源老人骨已朽愛民似子當今無稻田上下水聲接
農家準擬相攜壺南鄰敗屋歎欲倒君來徃徃人爭扶
流離復合燕相賀向人競欲嘲解襦吏民莫怪吾面瘠
耄倪艱食方饑癯政聲不必家置喙自然和氣成歡呼
何當相聚飲一斗高吟大笑臨邛壚

次韻秦壽之雷江阻風

君之是行亦不惡到處名山得佳作江神好事欲援例
橫起狂風捲帆脚要求詩句須少駐故戲舟師令暫泊
雷江正在淮南岸萬頃黃蘆映青廓不知眼界濶多少
但見炊烟耿墟落歸心浩浩孰撩動歸夢忡忡予忖度

怒濤底事強留滯清夜無眠屢驚愕遡游初冀日千里
今此驅車反成錯人生離合自有數誰謂江神能見詭
新詩入筆走驂駒犇逸絕塵那可却何妨有酒發妙思
坐對陶泓自斟酌韻嚴語險屬和難顧我才慳子非虐
曉解糝潭追和張文潛白沙阻風

江上驚風夜穿屋扁舟正艤沙頭宿燈寒屢別短檠青
酒暖孤斟老盆綠更闌艇子催人起泥汊而今趁朝市
披衣踉蹌出馬門凌波逐浪來江豚鳴櫓嘔啞濺飛雨

靜聽依稀似人語月城百里指顧中只好張帆使風去
和李似矩馬圖歌次韻

畫工妙處稱毛羽我欲論功第先免不知心手會天機
象管紛紛誰比數寥寥千載一曹霸墨妙如今傳二馬
龔生重馬輕尺璧蔑視韓韋復何者爾來一顧遇孫陽
奔走侯門日無暇一匹騰驤一匹嘶先生愛駿非愛竒
有如霓裳第三疊按圖知拍逢王維新詩邁絕今老杜
作經未必多馬蹄先生馳騁金馬裏口角雌黃即公是

欲知早晚定登庸步武風雲起平地偉哉驂馱世英物
一日早行三萬里

應資深康樂園四詠

溪頭柳色春無際溪水浮天一張紙東君戲草康樂園
旋入夭桃與繁李亂花無數不知名徃徃倚檻窺前楹
有時酒惡吐欲死先生來約花間行

露梢戛戛敲鳴玉雲葉差差傳新綠亭前十頃碧琉璃
過雨荷花淨如浴客來不迎君莫嗔我有清風如故人

先生午醉睡正熟長須倒盡床頭春

不知眼界幾多濶隱隱青山在天末湖光釀就琥珀濃

應助先生恣澆潑西風搖落黃花秋江城有蟹供拍浮

人如淵明亦不惡肯使臨賦成悠悠

誰人獨釣江南雪雪滿江南鳥飛絕先生對雪望江南

嗅認梅花忍寒折癡雲捲盡清月流小舟橫臥南池頭

子猷乘興欲何徃歸歟莫為伊人留

華亭風月堂避暑

予自無為來獲與趙應之市舶親友相從於海上
而吳伯和司理素昧平生一見蒙傾蓋暇日三人
避暑風月堂邂逅王壽茂主簿并鍾幹二公碁酒
終晷樂可知也輒成古風以丐撫掌一笑

大哉天休何穹窿惟王配天居域中東西南北乃四裔
盛德可使車書同吾皇中興繼商武小雅不復歌車攻
年來幽障滅烽燧梯航萬里來夷戎華亭瀕海古巖邑
商民填委百貨通雕題交趾在何許但見巨艦浮蒼龍

國家懷遠固有道緩征薄稅垂無窮名官市舶司置長
往往所任多名公洪侯才望在人右暫此出使良忡忡
使臺雄勝壓湖水飛橋百尺如垂虹作堂枕水傍風月
想見浩氣盤高空我來五月過淫雨炎雲烈日方熻熻
登臨不獨眼界豁一洗煩暑清心骨偕行相遇二三子
吳趙與我并王鍾高談亶亶到莫逆圍碁把酒還從容
輕風拂拂動襟袖明月炯炯窺簾櫳湖光十頃碧上下
身世恍在玻璃宮何人倚檻正橫笛數聲裂石開雲峯

忽然琵琶又繼作聲此百榼誰能供夜闌歸去不成寢
臥聽湖外鳴豐隆

次韻因老胡避遊

新詩滾滾江流東一瀉萬里誰能窮平生清峭不近俗
雪山突兀江頭峯相逢一笑莫相避自古高人苦難致
涪翁骨冷喚不醒且向新詩求筆勢君於涪翁真後身
有同次律前身僧語言直下見理窟何須辛苦從張憑
對君令我思秋菊三月褒山如一宿君看玉局感秋吟

嘆息流光豈予獨

送管養正長歌

餞別宜有酒我無一杯漱君口送行當以贖我無一物
藉我手與君意氣真相知君嘗謂予可言詩獨有詩句
堪送別欲賦復止空嗟咨送君胡為三歎息文酒從今
失三益干戈日尋雅道衰吾徒一別真可惜問君四海
無家歸飄然此去將何之答云南陽善城守屢以孤壘
攘重圍我今欲往誠有以主帥好賢同邑里輜車儻許

載病翁長策猶能靖多壘騏驥君看伏櫪姿髮雖種種
心不衰曾中之竒老未吐忍死山谷甘寒飢君不見元
龍豪氣真磊落臥見許生自旁若時危康濟乃丈夫問
舍求田匪餘樂又不見越石夜半問鷄鳴披衣起舞賀
友生風塵瀕洞四海亂英雄攘臂收功名古人相期尚
如此豈效世間兒女子出門惘惘色可憐君亦為之殊
可鄙壯君此語膽忽張羣憂散盡增激昂西風獵獵天
落霜千山凋林松檜蒼寒菊始花黃且香高空無雲老

鵬翔登山臨水秋興長行人欲行送者傷我獨不復傷
知君壯志殊未央為君援筆寫長句一洗古今離別腸

冬不雪夏苦雨外臺為民心惻檄郡請禱於法
輪應感尊者悉獲靈貺曾不終日教授有詩以
發揚盛美郡人相山居士聞而悅之勉次其韻

誰令一日如三秋仁人方念淮南州斯民忍飢望藁麥
積雨又有傷殘憂冬温土燥生春瘴半夜風聲來枕上
曉看飛雪欲堆簷白馬參差攢玉嶂

白馬山名

年饑高下執

麥多暴如山阜沓如何那知雪欲苦淫潦兩岐半吐翻
隨波欣聞萬事一言了使者勤民坐待曉指麾郡將率
官僚出郭共迎羅漢禱由來天意每因人况自至誠宜
感神明朝披霧走烏轡晴光杲杲清無塵回頭菽粟賤
如水醉飽田間摩腹背周行四海不齎糧可但携壺餉
鄰里出遊遂繼文昌謠追鋒行赴公車招快將劉晏幹
排手衮衣入相禪唐堯廣文才氣邁燕許分教芹宮從少
駐政德穩步玉筍班好尾輜軒上天去

次韻孫興宗秋懷

秋山赫赫明丹楓秋天隱隱分玄鴻不知眼界濶多少
九華突兀撐晴空嗟予老病百事懶誰能強勉追兒童讀
書既苦齒多轄屬文益覺心如蓬年來衰甚更齟齬乘
舟賣麵皆遭風茫茫有類墮雲海躊躇四顧迷西東感
君賦秋肯寄我開緘反復歌三冬如痿忽起盲忽視角
力未易分雌雄寒鄉冰雪正凝沍暖回愛日何烘烘驚
濤巨浸浩無際安流利涉輸艨艟華門圭竇僅容膝規

模敢擬阿房宮生平未慣新釜鑿斷削便許從共工偉
哉歐梅兩黃鵠逃名詩酒俱稱翁余生顧後八十載賢
愚雖異襟期同知君尚友取前哲言之聊復輸丹衷何
為規規事騷雅乃欲索我章句中春容大軸襴錦繡令
人一覩情融融清心嫵麗似鮑謝豈徒與學稱淹通人
能平地覆一簣不輟會致邱山崇披雲俛仰三百日相
逢底事常怱怱去年江上識君處鑿冰初見陽冲冲分
攜不覺秋又晚向來早氣方蘊隆君如鎮西我肥水我
徃無事還何功而君被檄試多士攷覈曲盡權衡公作
詩惡用求好語好語正自添詩窮有時嗣響姑趁韻茲
意祇欲安微躬爭如閉門絕慶弔著書遠繼吾家充靜
言培塿亦何罪不韙正坐晞衡嵩茅齋雨過風露肅青
燈夜諷賡秋蟲更闌耿耿不成寐臥聽江城鳴畫筒

上元後漕幕高僚二十八人會飲於西湖登千佛

閣運幹趙魚樵希聖以坡詩七言絕句分韻得

陌字

福星臺畔依紅客厭踏紅塵穿紫陌湧金門外泛蘭舟
兩岸融融春水拍隔浦笙歌寄幽思向陽花柳饒春色
六橋突兀披丹青千佛森羅眩金碧登臨肯作懷古愁
志在雲臺書竹帛須臾飲散晚風號却掃陰霾生桂魄
言辭對 含山令尹章邦基即其所居剡山得石嵌空乃
作堂於其上而目之曰玉壁窟求詩諸公予不
識邦基而與其姪無為簿濟之游濟之索詩故
為賦之

我聞美玉地所秘出為世用自有時譬猶景星與慶雲
千載徃徃一見之君家玉璧豈無說鑿山得石夸瑰竒
豈惟蒼翠實相似溫潤清越璫璵姿細看高廣類墻壁
以璧名之固其宜剜剗不已石無盡此窟未易窺籬籬
作堂正在佳絕處下視海岳如城池錢塘雪浪湧澎湃
天竺烟岫分參差君於其間日成趣長篇短句揮蛟螭
乃知地靈不愛寶要令景物求新詩顧我與君無半面
牽帥阿咸難固辭沾哉沾哉吾與玉它年相見期相知

幸相四海幾固藉古詩去清吾與王了平休良限味
已味此靈不受實要今景味亦襟結願非與吾無半面
天竺賦賦公卷去吾其其問日為妙身益賦仙鞋
我堂五式卦端夷下屏我岳吐賦出楚熱雲象影
以聖各之固其宜慎慎不己不無盡也氣本思
宣卦發學早
千幾卦於一見之
如開美玉
出為世用自

欽定四庫全書

相山集卷六

宋

王之道

撰

七言古詩

送神童胡元弼元英從其父胡庭俊歸秋浦

西湖清麗春雨餘子今欲去其馬如九華揮天遠在望
三月不見愁容舒二兒犇逸汗血駒輩視長離與鷓鴣
去年冒雪來其俱一鳴上國驚羣儒書不負人人負書
公卿豈應終犁鋤惠然過我騎甚都蕭蕭晚吹飄襟裾

借問能留旬月無吾亦理棹其歸夫為言與君不同塗
藹峯松竹鳴笙竽竒童小友良不誣異哉老蚌雙生珠
君之是行亦榮歟三胡盛事喧州閭

和王覺民松軒詩

蒼髯綠髮三四椽茅齋高下輕且軒清風入夜可人意
來與夫子調朱絃連日秋陰蕩殘暑抖擻煩襟欲輕舉簡
編燈火置勿論且快蛟龍得雲雨

追和東坡郭熙秋山示王覺民

生平最愛烟水閒不知歲月磨江山干戈七載厭犇走
清霜入夜飛蓬間我家山水擅平遠未向郭熙見秋晚
驚鴻斷處抹微雲野水盡頭橫翠巘林塘綠淨明拒霜
似與楓葉驕秋陽東坡山谷妙言語珠玉倍增山水光
亂離記得承平日政出多門事如髮傷心北犄歸何時
園苑荒涼萬年石

次韻袁望回見贈兼簡楊德潤

長堤十里荷花雨隱約塵頭南去路故人戀戀不能忘

又遣長須寄新語錦囊玉軸纏朱絲開緘恍覺雲烟飛
青山未許松栢老綠野會致牛羊肥嗟予衰滯煩嘗相
十年相對江湖上苦吟猛省爆鴨脚劇論旋驚爛熊掌
分攜令我重回首日月漂流易成久因風頻寄數行書
毋蹈從前作詩瘦比鄰先生倦不出德齒俱尊時第一
何妨杖屨日過逢白酒黃鷄醉秋色

按麥行和魏定父韻

號啼莫怪妻兒踈麥秋恰了償官租噓嚙濕沫魚在陸
傷時令我思唐虞平生學易有何說大要豐財貴知節
相扶相弔來流亡問言豆葉何時黃遠哉天道所不曉
人比前年孰多少

清江引用蕪養直韻示王覺民

荷葉亭亭綠滿塘秋炎深得蓋鴛鴦晚來江上西風急
收拾蓮紅付拒霜萬山搖落見森樾翠影蕭蕭冷梳髮
請君無作宋玉悲來賦江樓望明月

清江曲追和魯直韻

鬢邊殘雪幾春秋自說生來不解憂晚食得魚吹荻火
秋盤尋筍艤松舟布裙斗酒不須惡明月清風且相樂
紫宸朝去醉眠時初日寒林正搖落

追和蘓養直飯牛歌

時來富貴非所憂公卿何必皆黑頭力田孰若逢有秋
異哉甯戚親飯牛商歌未絕驚齊侯遂從仲父盟葵丘
勲業無聞死不休磻溪有叟垂直鉤

次韻陶監丞茂安見贈

三年重見須川涓捨舟東去何驅馳王事靡盬不遑息
人生所貴心相知經從往返兩過我一言意厚何多為
向來江夏傾蓋日翕然譽望推麟儀才猷伏火丹九轉
用之功效堪扶衰重陽初過雨新霽乾坤六合方平夷
邊城殘寇何足滅廟堂勝算那容窺相逢問我出世法
嗟我茅塞同荒陂因君扣擊發深省沉迷可笑羣昏隨
我聞摩詰老居士後身樓至今王維忽然惠顧有緣契
恍若宿霧青天披願君為我取妙善此界示現無邊慈

和成都張通叔韻簡范偉明

高樓半天夸奕奕一室蕭然再經昔今君盤礴知幾時
邂逅相逢俱是客襟懷磊落我輩人傾蓋便覺情相親
欲知富貴未乾沒岷山錦水鍾精神范侯國學同舍友
聞與吾人最親厚別來不寄一行書有便何妨為予取

贈蓑衣道人

蓑衣道人七年凡兩見於西湖之上是行謂予會
當曉達且遇異人則予心之所庶幾而不敢必者
道人丐予數語故茲及之咄哉彼以妄言之我以
妄聽之識者能無誚乎已卯三月二十五日

七年兩見西湖濱似向貧賤求貴人安民扶世在豪傑
貴人何必皆巖莘嗟予坎壈今老矣糊口相煎未能已
願君莫作貴人看歲晚庶幾長不死

寄白香巖縣丞

香山譽望不可攀香山之後傳香巖香巖硤砢聳人目
香巖秀氣起塵凡香巖之風清可掬終日哦松適幽獨

媿我無能老杜門何時一笑披青雲

題魏吉老若水軒

世情孔甘似醇酒沾沾未必應心口覆手為雨翻手雲
餘耳安能保長久魏侯風味真可人汪汪萬頃江湖春
相從卅歲今白髮坐對小軒聊欠伸

和沈次韓王覺民韻

二公才致同清壯顧我無能但蘄向只今連壁復有誰
伯仲未可輕第行小人老矣病且衰目光近在牛背上

何當策蹇擬高談歲晚寒雲連雪障

教授顏端行出示所和老杜曲江章因次韻

浮雲捲盡秋天高月光照水翻金濤臨溪酌月羞溪毛
舉杯未飲欲誰酌茲非沈謝須劉曹

清夜無眠想千古一字茫然墮沙莽賢否紛紛固難數
樓頭漏聲寂不聞策策寒窓夜鳴雨

富貴從今信在天君看黍稌多秋田金風玉宇秋無邊
白屋青雲朝暮耳正如農父須逢年

定慧院海棠追和東坡呈虞季然陳德夫

春來何處無花木偶向招提見君獨一枝着雨濕紅粧
便覺羣芳自塵俗嚶嚶幽鳥競遷喬皎皎繫駒聊在谷
人生富貴會有日莫以青雲輕白屋固應遺策暫駐馬
况復過屠宜得肉無心杜老吟不到半醉楊妃睡難足
態濃意遠誰得似空想當年麝人淑嗟予坎壈世所鄙
正坐甲壬無背腹少甘糠粃老葵藿自笑清癯類霜竹
看花把酒發浩歎反復新詩三過目仇池老人已仙去
千載東坡與西蜀思之展轉不可見夜夢乘風跨黃鶴
朱唇翠袖妙今古我欲宮商歌作曲翻愁刻鵠難復工
唐突西施却成觸

次韻寄荀晉仲簡陳夫子

二老亭亭雙屬玉交映霜餘半溪綠才高一世妙言語
落筆珠璣爛盈掬時來釣叟為三公傳巖莘野誰雌雄
紛紛俗態任冷煖風雲早晚騰蛟龍中興復見宣和盛
須信人心協天命真從僵仆正邦基更向膏肓起民病

尺書寄我三長篇管中窺豹非其全墨渝紙敝未釋手
晴牕飛盡沉香烟嗟予留滯濡須塢夢寐斯文屬燕許
何當單騎造齋榻遂使高軒出城府春風回首歸萌芽
又促畦丁種早瓜我心傾寫會有日為言已辦浮江槎

再用奴字韻寄李廷吉

廷吉行縣過敝廬出其里人項君佳句屬予俾和
將以寄項君子雖不識君面觀其詞意字畫必修
謹樂善之君子也勉賦一章卒簡項君為異時相

見撫掌一笑云

霜餘菊暗荷葉枯千頭喜見君家奴離離丹實照綠葉
不減邱松官大夫邇來萬木凍欲死東君信到梅花鬚
一枝亞竹斜照水便覺清香無處無李君江南我江北
正如員嶠鄰方壺操修迥與世俗異政事賴有神明扶
文書甚簡民甚喜老吏徃徃寒無襦項侯秀發西楚後
作詩語帶山仙癯願因徐辟見孟子折簡未敢先招呼
異時鼎社遂酣暢會使王衍悲黃壚

酬秦壽之見贈三首

人言韓孟才相高欲將詩骨追詩濤可憐寒谷瘦不毛
青蒿倚松亦浪語遂令後世稱同曹
誰能曾次澆今古老去蓬茅雜榛莽樸遯已甘無足數
品題忽及乃君餘頓覺焦枯得時雨
靜中真樂全吾天勿輕捨已芸人田憇均食蜜無中邊
濁醪麤飯自不惡那能問命推行年

江天暮雪

凍雲垂地風栗烈萬里江天暮飛雪九華何處正嶙峋
瓊樹瑤林鬪明潔扁舟突兀依寒蘆朝來殘酒猶半壺
夜寒獨酌不成醉臥聽宿雁鳴相呼

瀟湘夜雨

短篷暮艤湘江宿坐見江豚起還伏忽然氣作浪山來
一夜雨聲如決瀆淒淒寒氣欲相侵燈火青熒更向深
床頭有酒且徑醉免使萬慮縈吾心

洞庭秋月

扁舟夜泊薰葭側湖外雲間見明月月光搖水掣金蛇
坐想騷人賦秋色舉杯向天屬姮娥君當照坐吾當歌
全勝送客九江上荻花楓葉如渠何

漁村落照

寒蘆萬頃迷西東夕陽上下江天紅炊烟幾處裊輕碧
知是漁家收釣筒老翁長鬚更廣顙路逢百錢掛藜杖
三盃酒罷月已高短棹扁舟還獨往

平沙鴈落

雨餘湖水吞遙空前山宿霧開溟濛坐看鴈陣落沙觜
欲下復起摩蒼穹寒蘆飛花秋色老亂撲客衣紛不掃
肅肅驚風忽破行却似張芝作顛草

和笑菴送麪

深堂傑閣松風鳴黃梅已過雙溪晴不知城市乃有此
六月表裏玉壺清我來蒙師炷香鼎旋汲溪泉為煎茗
明朝又送不托材大慰枯腸怯龍餅

贈堅上人

堅上人以竹齋居士所贈岷峩圖詩來求鄙句為賦之繼其韻也

岷峩何處在目前恍惚萬里惟心田道人遐想對縑素
毫端疊疊生雲烟不煩捫參更歷井坐見紫翠摩蒼天
崔嵬絕頂明積雪崎嶇幽澗縈流泉當時神禹道導江處
隨山刊木知何年竹齋言語妙天下山情水思何綿綿
想當落筆快揮掃精神如到岷峨巔師誠乞詩我丐畫
不然無用徒相煎

寄古上人若之用東坡徑山韻

寄語山中好看客待與諸郎醉秋色諸郎作詩學東坡
筆力駸駸清到骨由來習氣相薰蒸千古句吳張李鷹
鱸魚斫鱠飲入夜哦詩坐對風窗燈好向少陵賡客至
樽酒盤飧正相似請師淨掃壁上塵準擬臨時醉題字

送道覺游天童山

小雨新晴接重九獵獵西風振衰柳二禪過我欲東流
為說偕行得良友天童老人笑垂手應問師來欲何取

相逢莫作一日留袖取鄞江過淮右

小南陽四祖山

黃梅西去一舍許犇走龍天瞻四祖師今何往昔何來
占斷金沙長作主須知至道本不滅豈獨高名固非取
偶傳衣鉢繼三世遂配雲中詔千古寺藏巖腹蟠地軸
塔據峯巔立天柱稜層石棧斜甕玉繚繞溪流緩縈組
月明飛瀑百虹掛風撼長松萬蛟舞路通澗谷橫畧約
樹靄烟霞團縷數清陰掃徑初入夏蒼蘚封庭新過雨
留連歸客獲聯轡邂逅主僧還接武請觀異事花五葉
願結勝緣香一縷何人為作錦鷄夢比意他年銘肺腑

欽定四庫全書

相山集卷七

五言律詩

和荀晉仲題法隆韻

去來何所喜一雨應澄清
憔悴有生理嘆嗟成頌聲
酒壚從客醉村疇問農耕
深得諏詢意誰能繼此行

和沈進可檢法秋夜飲客待月

欲雨雲容合瀕江水氣浮
笑談初入夜燈火適逢秋巧

借三豪便還成一醉謀投瓊酬木李祇使老夫羞

冬夜對月懷彥逢弟

荒庭寒有月窮巷靜無聲坐想積年別遙同今夕明蹉
跎前進士憔悴老書生短棹歸來好邊城久偃兵

和沈次韓歷陽歸來見寄

臘盡梅爭白冬溫柳漸黃強吟詩思澁幽步野情長別
去嗟何濶歸來肯遽忘開緘得佳句和氣溢寒鄉

和魏定父

十里南溪路思君一望間黃花秋色老紅葉露痕殷似
說親朋集遙知杖履閑徘徊松徑晚踏破紫苔斑

和子遠官牌夾口韻是日聞官軍破虔賊

滯留嗟是役艱險笑吾生此去和風順朝來虔賊平湖
山增喜氣鴈鷺送歡聲千里前塘路應知客念輕

和劉與可二首

老來無柰懶春至不勝情萬石嗟遺跡雙魚謝寄聲壓
花朝雨重釀酒夜泉鳴細把君詩讀冰壺表裏清

野塘春草遍芳樹老藤纏遠信占黃耳清游任白顛山
光晴抹翠湖氣暖騰烟我有邊韶癖何妨晝日眠

和歷陽李簿見寄

短鬢紛垂白衰顏悴帶黃多寒冬更甚少睡夜能長舊
學長荒廢新知感受忘何時一樽酒談詠對江鄉

和因格非見寄二首

青山如我約終日對柴門學道未忘念懷君空斷魂時
來當有用事往置無論反覆新詩讀誰知老眼昏

兀坐時看屋閑居晝掩門吳吟聊遣興楚些欲招魂否
泰宜周易行藏付魯論不須傷老大眠食度朝昏

和程德遠二首

寓問發函舊論交傾蓋新幾年瞻翰墨今日待光塵禦
侮煩驍將扶顛倚大臣相逢更何恨對酒漉陶巾
未盡通宵話猶如一日秋壯懷天共遠歸意雨同留燈
燼寒明滅蛩聲靜應酬十年為客夢應不負瀛洲

追和老杜江上

獨坐日將夕淒淒風雨秋寒燈照古屋歌榻擁疎裘身
世槐安國功名蠶化樓歸歟老居士踪跡繼浮休

和彥時兄贈王廣濟

往矣古循吏賢哉今長民牛羊歸落日桑柘殿餘春共
學知名久相逢見面新瘡痍賴休養猶喜見斯人

和王覺民簡褒山因上人棗嶺魏欣然二首

七行才業在寧久困無津秋到搏風翼春迴縱壑鱗褒
山方競秀棗嶺益爭新珍重二二子詩騷追古人

君來踰半月未果一尊同湖水寒應碧山梨雨自紅何
時過北牖今日轉西風相去無他地孤城杖屨中

酬陳勉仲勉仲寄示諸公所和黃字韻詩軸且
責其歸重念匹夫懷璧之罪不敢靳因復和其
韻反之

失梳蓬鬢結欠洗垢衣黃我欲齊榮辱誰能較短長賤
貧猶不去富貴慎無忘豈敢貪懷璧春秋戒越鄉

和秦壽之題蘄春驛浸月軒

千山初過雨萬籟不鳴風寶鑑沉寒水冰輪上太空竹
梢低蘸碧楓夜冷浮紅終欲金沙去經營一畝宮

吳興舟中有作

大澤知何處扁舟快此行綺羅紛勝賞歌吹溢歡聲
葑春還合波濤暮自平臨風一披拂誰識未歸情

遣興

長沙
漕治

步屨隨兒輩臨池得凭欄夕陰東虹斷小滿北風寒
點水荷三疊依墻竹數竿乍晴何所喜雲際遠山攢

和龔聖任冬日即事

老怯繁霜勁閑憐愛日溫禦寒朝強酒防寇夜撐門
採薺籬根地觀梅郭外春餘生何所託歸命大慈尊

和秦壽之題黃州郡樓

西北張霞綺東南漾月波登臨筇作馬吟詠筆翻河
思與蒼葭遠情同白水多新詩清且麗標致壓陰何

和子遠春江用老杜韻

欲去未成去朔風鳴怒濤片帆洲外舉列岫霧中高竹

屋雨沾被紙窓寒透袍遙同望歸艇向夕走兒曹

送彥逢弟赴西興鹽場

聞道西興去全家共小舟別離江北岸懷抱海東頭
閃風帆遠滔滔雪浪浮苕溪在何許應為古人留

送安豐判官江叔夜用菊花韻

冬溫行色好江上菊花黃鄉味萼萸美皇恩誥墨香
招延從北海吟咏繼東陽別後如相憶時應問草堂

秋日喜雨題周材老壁

大旱彌千里羣心迫望霓簷聲聞夜溜山氣見朝隄
暑餘三日高原滿一犁我來何所喜焦槁免無泥

立春和孫子紹二首

老窮推不去湖海又逢春懶復論三甲空驚薦五辛
柳梢寒已動萱草暖還新我亦寰中物因君試問津
南浦物開凍東郊未去寒芳華歸草木生意入門闌
綠蟻供瑤瓮青絲送玉盤新詩妙當世賦答敢辭難

題許公寨驛

畏景還迎日追涼偶逝風泉聲山上下松影路西東遠
覽心猶壯清吟語自工雨多何所喜郡國慶年豐

和魯如晦春日過定遠山口

雨足濛濛水春晴處處花畏塗雙隻堠荒戍兩三家心
折朝鳴鹿魂驚暮集鴉想君行役苦愁蹙不成嗟

丹陽湖阻風二首

水濶風還怒舟輕浪更顛雲容初過雨湖勢欲吞天沙
嘴青楓外魚罾白鳥邊夕陽應到岸沉醉酒家眠

老去心猶壯詩成喜欲顛時危思報主窮極待呼天歸
夢先湖外離情到酒邊晚來風更惡舟卧不成眠

和潘澤之沈元吉泛舟湖上

散騎真先輩休文即當家泛舟成麗句散騎見餘霞驚
去沙鷗沒招來酒旆斜春歸何處覓籬角見金沙

贈嚴彥醇

一別三年久重來兩鬢蒼瘦筇扶蹇步新茗攬枯腸得
句情還適逢人話頗長湖山原不改喪亂我心傷

中秋

院靜三更雨樓高一笛風新詩愁恨裏故國夢魂中節
物他鄉異交情我輩同眼前多怪事吐吐強書空
出戶喜折屐江天來翠岑看雲忘久立待月動微吟關
塞重回首簡編勞繫心琴中有山水應解遇知音

題北莊用陳勉仲韻

幽亭臨水竹云是使君莊秋霽來觀稼春融賦採桑納
涼供芡實載酒摘蓮房坐得收民術也應如牧羊

用陳阜卿勸農韻呈宣城太守

何處催耕早宣城刺史先旗麾明曉市耒耜徧晴川道
路歡聲接樽壘麗景鮮似聞携百榼分餉及高年
欲知人意喜萬戶鬱爐烟紗帽花垂額金卮酒到蓮歲
豐端可卜農勸競相傳往矣南陽政今追召父賢

燒火用陳西麓韻

燒火驅寒去啣杯待暖回家書萬金值懷抱一時開臍
雪猶棲樹風光已着梅相過隨處好未恠損莓苔

題黃梅驛舍壁間

石潤占梅雨山寒應麥秋清風鳴翠篠踈雨濕紅榴古
驛苔封砌荒城柳映樓高吟一甌茗聊為故人留

太湖呈邵公晉沈元吉

半月江湖上晚來方得風掛帆誰共快到岸偶相逢可
是過從舊都緣臭味同長亭一甌茗親厚意何窮

秋夜對月

青廓經新雨扶踈桂影秋夜涼山色淨風細雨光浮坐

久因忘寐成詩得散愁願言乘此興同賦庾公樓

春日無為道中

早甚山光暗風顛日色微桑芽蟲翅小荻筍彘肩肥野
寺看題壁村墟問典衣春容良不惡楊柳正依依

歸自合肥于四頂山絕湖呈孫仁叔抑之

達岸三時頃瞻山四頂賒喬林知馬尾亂石見麋牙水
脚浮青靛湖脣滉白沙漁人收輦網歸去日西斜

呈蔡元德二首

別來閒計日一日似三秋
顧我無能老逢君始欲愁
詩情今轉勝交契久還稠
學問神龜似當年繼踐猷
一月黃梅雨潺潺過麥秋
昏沉渾似醉憔悴不禁愁
渠溢門庭淖園荒草樹稠
乍晴酬絕唱何幸對風猷

蒙城早行

殘月千家閉荒城萬竅號
舉頭華蓋近回睇啓明高野
迥霜迎面風清涼透袍
十年河上路從此步金鰲

固陵道中

道路榛菅合裝齋咫尺迷
陟岡還見塔下阪忽逢溪迥
野鳴朝鹿踈茨撼午鷄
固陵何處是弛擔日應西

廣濟道中

曉日掛林麓秋風入潤阿
野禽飛自語田父笑相過
村疇倉箱富山蹊芋粟多
一鞭聊策蹇馳上小羅坡

沙窩道中

十里沙窩路晴雲向暮開
褰裳九過客駐馬一觀梅
歲晚松篁茂山寒虎豹哀
不因王事迫誰肯此間來

舟過三了河

搖落蒹葭浦荒涼鴈鷺^鷺村吳柑迎齒冷魯酒著顏溫水
澁風還逆天寒日自曠不堪歸思亂烏鵲鬧黃昏

過白羊市

小市環農畝長橋接佛宮扁舟帆影日幽鳥柳陰風沙
觜淺深水樹稍紅白茸乍聞秋糴賤吾亦慶年豐

立春示兒二首

雪盡試^始霑雨臘窮初得春上水魚意樂出谷鳥聲新便

覺風光好何憂活計貧一樽聊共醉疎足見吾真
朝來何所喜人唱玉樓春酒着心還壯詩成思轉新士
衡寧久困曲逆豈長貧千載風雲會欣逢聖主真

追和李義山賦菊二首

嫩萼猶封綠繁英已碎黃雨餘三徑晚秋到一枝香滴
滴盈朝露暉暉映夕陽何妨浮玉笋共醉木蘭堂
團團青蓋小拂拂御袍黃翠葉凌霜秀繁英浥露香浮
觴追北牖飲水記南陽采采東籬下行歌對草堂

和沈次韓秋日雨後督子厚報

江檻連朝雨山齋昨夜涼不知新稻熟深怪晚炊香得
向君應喜聞風我漫狂繡溪行樂處雲外幾千章

欽定四庫全書

相山集卷八

宋 王之道 撰

五言律詩

秋日即事三首

晚來何所喜急雨洗新秋幸遂登高賦應容遇勝留藕
花明遠近鷗鳥任沈浮不用揮紈扇何妨醉玉舟
今日知何日西風正得秋天心方祚漢人物合師留才
畧煩威敵聲名賴鎮浮不妨臨賦樂汎汎有揚舟

俛仰黃花集澄清九月秋預愁新任迫難為故人留嵐
去山光合江迴水氣浮何當脫羈絆同辦五湖舟

雪晴三首

雪壓千山淨雲披萬里晴木冰爭霽色簷雨碎寒聲靜
映吟窗冷輕浮茗椀清最宜今夜月來借短檠明

湖山開宿靄院落快新晴澗漾鎔銀色潺湲過雨聲味
增茶品勝光奪月華清放出東墻角梅花數點明

氣暎寒日曉光照遠山晴鄒谷有春意袁門聞履聲映
書何自苦炙背不妨清邂逅逢詩將高吟眼倍明

和余時中元夕二首

今夕知何夕熙熙萬室春歌樓醒醉客燈市往來人勸
酒行杯促聯詩得句新銅壺休見迫歡笑正相親
羅衣^綺行歌夜杯盤坐笑春舞衫催急管步障擁佳人燈
火珠星粲樓臺璧月新傳柑良可樂黼座玉音親

次韻魯如晦七夕

今夕知何夕相逢莫漫愁涼颼開北牖新月挂西樓重

惜經年別貪延數刻秋明朝河漢隔西向望牽牛

秋日郊行

斷橋臨野水疎屋見人家嫩綠幾畦菜深黃三徑花
雲行自逐征雁望還賒好訪韓湘去山林養白鴉

閒眠二首

乍暖經行久新涼出浴初酒酣春晝永食飽午鐘餘
我懶喜聊復君閒應樂胥年來苦犇走此味竟何如

秋懷一事無暑盡晝涼初竹戶靜長閑藜牀安有餘
道遙化蝴蝶容易入華胥天上多官府神仙恐不如

閒居

五斗不爾競一區聊自營閒看探花信靜坐聽松聲
約客酒初熟訪僧詩謾成有時過閭里往往競邀迎

獨步

飽餘惟欲睡散睡步南園雨足富蓮子年豐多稻孫
崎嶇窮竹徑詰屈遍花源何必冠童輩偕來笑語喧

逍遙堂二首

獨坐虛堂寂煙銷瓦博山出游魚自樂飛倦鳥知還花
氣清風遠槐陰白晝閒逍遙入詩思落筆笑談間
婀娜風前竹空濛雨外山孤雲心共遠短艇興俱還酒
有雙蓮勝詩無一字閒因君成悵想時到夢魂間

飽食

予亦屬厭耳女寬何歎三一簞儻知足八珍自忘貪駝
峯擅西北瑤柱誇東南但願無是餒藜羹非我慚

放船和子遠韻

冬溫寒日好歲晚早梅開帆腳隨風轉江流與岸迴坐
憐青嶂遠靜見白鷗來水驛三千里斯游亦壯哉

追和東坡倦夜一首

風閣開還閉龕燈暗復明竹間聽露滴庭際看雲行皎
月千門靜微風一座清只今廷諍者誰復繼元成

和子遠泛江送客用老杜韻

北風還入夜波怒未能平江氣雲煙重山光水墨輕熒
熒漁火亂慘慘暮寒生咫尺淮鄉路淹留繫此情

久客和子遠用老杜韻

舟解風還順江神亦世情滯留三月過攀送一帆輕行
止關吾道窮通任此生梅梢青已動冰雪漫縱橫

歷陽倅蒙菴鄭公卒於位記歲在丁丑與僕有
交承之契方來自鎮西而僕亦自安豐往邂逅
於合肥驛中獲為三日之款所談無非周易
太玄老莊之書開警蒙昧多矣公平生學佛行
一着端的不昧所謂毫髮無遺恨者僕老矣請
從其後而為淨土之游似不晚也作是詩以弔
之

我倅安豐日君來自歷陽交承分彼此邂逅及行藏精
義通玄易微言妙老莊刹那今十稔歎仰未能忘

東晉陶元亮西京董仲舒高風敦薄俗妙論見遺書水
石傷新窆松篁慘舊廬楞伽今在否此道法明初

楞伽達磨

以授二祖東坡謂讀者或不能句而公嘗註是經想見公於此有得云恨未之見

哭韓積中二首

命矣窮張籍歸哉病長卿焦湖家自遠畏日我同行想
像分攜處依稀警歎聲仙宗向西路回首淚縱橫
多能傾相府高義著房州脫畧通侯貴追隨逐客游敢
論當世比曾向古人求悃悵今樓護黃泉已再秋

哀陳夫子

不見陳夫子依稀四載餘云亡前日信報葬幾時書玉
軸千篇在牙籤萬卷儲九原應有恨新第落成初
去矣君何速聞之我重悲席塵埋古鼎書蠹入新詩鴻
雁嗟安仰粉榆痛莫追木瓜慚未報臨紙涕漣漣

哀湯與立父

薄俗久不競邱園多逸民聞君輕去世令我重沾巾一
夢茗溪曉千年石堵春人情不能已南望哭江濱
一門今七世誰復似君家勝事追公藝高風映伯華板
輿方就養玉樹遽興嗟叔子今何在魂應到馬牙
尚記宣和末賢科擢阿戎義方傳輦下士譽走江東賀
厦心雖切披雲意自忡思君想眉目悲咽對西風

哀徐朝議恭人潘氏

愛子心惟壹
宜家語不煩
雨添南澗草
風偃北堂萱
鬱鬱今同穴
訖訖正滿門
善哉摩頂記
歸奉大慈尊

城見三千歲
人終八十春
從夫安樂近
拜佛率佗新
婉孌書彤管
淒涼歎棘薪
中郎有賢子
遺澤擢平津

和秦壽之題靖安棲霞觀

飛觀臨無地
江天在目中
晚霞工射日
秋水欲浮空
蓼岸深迷綠
楓林遠映紅
歸歟還可喜
千里一帆風

夏日歸自寶林二首

十里招提路
崎嶇祝聖歸
青黃原上麥
紅白草間薇
正看青雲合
俄驚雨脚飛
餘花被沾濕
芳氣襲人衣

遠岫升初日
長林靄曙煙
峯迴遙見塔
溪轉靜鳴泉
竹籜新披錦
茅花欲擘綿
清和多美蔭
歸路得踟蹰

和詹德秀出南汰二首

曉出東郊路
春霖數尺泥
湖山供勝賞
花草覓新題
坐聽鳴鴻北
歸看落日西
乍晴何所喜
芳樹早鶯啼

小沼鳴蛙吹虛堂墮燕泥對花容命酒書事喜分題僧
舍喬林北田家古道西鷓鳩晴喚婦穀穀傍人啼

題香巖與何希淵陳勉仲聯轡

市井三壑北招提百丈東晴雲披鬢鬣寒日弄瞳矐滴
瀝林梢雨淒涼蓋影風我慚追驥足策蹇走巴僮

東靈鷲

松蓋雨還偃雲扉風自關縱橫兩溪水高下萬重山入
室三彈指臨淵一點顏懸知少來往石筍綠苔斑

題石磧明因院用李端叔韻

楚漢干戈地歸然見此山艱難思帝業牢落漫禪關野
鳥驚人散江湖到岸還明朝又東去空羨阿師閒

題法輪寺

孤塔雲煙外荒蹊草莽間蓼花紅糝碎楓葉絳綃殷送
客山溪遠逢僧半日間功名休覽鏡淪落鬢毛斑

題宣州書堂山寺

書堂形勝好山轉與江拋泉古因黃蘗亭新換白茅雨

餘蒼蘚合春晚綠陰交欲問香巖旨風林竹自敲

秋日游南汰寺二首

小雨霑秋早清曦霽曉氛山留歸壑水風送過江雲碧
瓦觚稜出黃茅兔徑分高僧似相喜茗飲話殷勤

松篁團野色葭蘆接江氛芳菊開新雨晴天掃片雲村
醪過寺共風袂轉山分邂逅梅夫子清談得致勤

次因上人韻

一從潛水別三見菊花黃舊好論交篤新詩引興長勞

生閒自笑道術淡相忘蝴蝶秋來懶時應到睡鄉

送浮屠善慧東游

西去方祈穀東來適佩萸淒風梧脫葉積雨稻生蚨詩
骨寒巖木禪心古廟爐莫將明月句容易謁姑蘇

送浮屠道郭雲游

何必袁州去塵塵小釋迦一筇非外物四海即吾家曉
色霜還重秋容菊正華此行良不惡冬筍已排芽

和鞏興宗題回峯寺贈明山主

江共烟雲遠山連藪澤長日從三伏烈風借九秋涼休
作桃花觀聊同柏子香相逢無一事不必下禪床

寧公新拜首座因贈

著書新奏御

上詔承旨蘇公道士韓德純與公集三
教聖賢事跡各五十卷故有首座之命

優

詔及禪扉首座名雖貴家山老未歸磬聲寒繞枕塔影
靜侵衣終憶西湖上秋風白鳥飛

春日遊西塔示本上人

暇日搜竒勝羸驂適莽蒼幽花撩醉眼早麥慰饑腸佛
屋幾間在村墟三里長廉纖晚來雨未覺客心傷

欽定四庫全書

相山集卷九

宋 王之道 撰

七言律詩

春日書懷

野桃經雨爛爭華似足畦
 丁種早瓜不見少年閑信馬
 空憐寒士出無車泥融近水芹
 抽葉地暖依牆薺放花
 偶憶惠連春草句夜來魂夢到天涯

高文知己動天庭昨日春雷下六丁
 濟旱會施惟肖雨

舉賢先應少微星行趨北闕形神健坐對東風醉夢醒
連日暖烟隨處好吳山更勝越山青

立春小酌呈諸兄

共喜春隨曉色來東郊歡踊賽牛迴破寒青轉蕪菁葉
抵日紅抽芍藥芳歲換未勞驚我壯酒封聊復為君開
上林不負遷喬約百蟄同驚此夜雷

和伯父仲球立春即事二首

怪得青腰稍霽威却應緹室報飛灰搖風柳帶綠冰重

破凍溪流與岸迴羣盜傳聞湖外去愁雲準擬歲前開
玉盤絲菜今蕭索賴有詩筒日往來

對雪酬春付酒杯兵餘真似復然灰路通千里傳書去
人喜三軍破賊迴梅萼封檀香未徹湖聲撞玉凍初開
疎籬敗屋休興嘆幸是羣兇不再來

春日有感示魏定父

聚散時來不自由相逢相別欲何尤韋皋幸有三年約
陶穀端非一日謀殘角為誰驚曉夢遠山多事惹春愁

故園又作驪駒賦尚幸持觴為勸留

東坡制清明即事

柳逕桃蹊碧草芳故園遙寄水雲鄉
老來轉使宦情薄春思頗增詩興長
教子文書容自勉逢人尊酒為誰忙
海棠却似憐衰朽依倚東風試晚粧

追和東坡送春和陳德夫

柳外風檣迅莫追柳間遲日弄晴暉
青春已作堂堂去烏轡何由緩緩飛
入戶呢喃輕語燕隔林伊軋靜鳴機

誰言四月芳菲盡萱草葵花覺昨非

鹿鳴宴

乾道乙酉無為太守呂公以冬十一月庚戌舉送
進士循舊典開鹿鳴之宴部使者梁公以建臺於
此而與焉呂公不鄙謂之道於是邦年齒最高實
為鄉老俾從觀禮之道自念頃在宣和甲辰獲同
弟兄聯中科第迄今未見有繼之者士風不振甚
矣因作是詩記今日之集且以勉諸君是行聯名

春闈為時盛事大慰州閭之望

蒼顏華髮老書生來赴公堂宴食華曾預宣和聞喜集
重觀乾道計偕行繡衣勸駕追前哲熊軾賓賢總列城
久矣邦人虛桂籍正須公等振英聲

秋日書懷

斷虹收盡晚風涼撲鼻誰家社酒香門外山橫青玉案
屋頭榴綻紫羅囊對吟已覺輸新俊遇酒還能發老狂
坐想西園梨棗熟昔年猶記拉君嘗

一別成均十九秋斷腸千里致書郵可憐率土民心固
端為當年聖澤流此去會看還北狩夜來先夢到東州
尊君正是吾儕事可但南冠學楚囚

到齊何日醉青州久矣平原困督郵避地未容行信步
汎江聊得卧安流望窮落鷺千山晚夢斷驚飈萬壑秋
安得尚方三尺劍掃除驕寇獻俘囚

對雪和馬大卿

投分江梅亦太清尋盟風絮却多情勢先澤腹歸冰鑑

氣迫毫尖入管城吏部夢踰秦嶺去將軍來作蔡州行
擁爐令我思前躅策蹇高吟愧孟生

對雪和因老韻

諫陛何人正伏蒲將壇無事且投壺因觀雪曲詞爭勝
便覺詩鄰勢不孤警雁王師方入蔡贈梅邊使欲離吳
可憐鼠輩殊輕敵乃敢堂堂捋虎鬚

和張彥智對雪

雪山何處覓瞿曇壓盡江南瘴與嵐待伴可堪風作黨
交光應喜月成三濯巾漉酒供杯勺涉筆聯詩尚笑談
柳絮自今輕謝句使君才氣擅東南

苦寒

風宵瓊寒透薄帷擁裘端與火相宜煖迴熾焰身成直
撥到殘灰手欲龜贈炭尚誰怜正曜授薪還自愧支離
不甘力請從緇侶苦調寒窗強作詩

題合肥驛

予癸未春三月嘗至此時兵火初過顏垣斷塹遠

望若荒阡破嶺所餘人亦無幾徬徨不忍舉目後
八年復來遶城秋草離離其青四合而市井舊通
闌帶闌處亦漸可觀為之感歎因用壁間李延仲
韻以識歲月紹興二年七月丁酉

重來歲月恍如飛但怪蕪城壁四圍千里漫推新政善
幾人能遂故園歸雲蒸殘暑催登穀風作新涼戒授衣
小驛滯留朋舊絕何妨白晝掩朱扉

題元發弟竹軒

竹林深處啟軒楹分我南園一半清蒼玉幾番披夏箨
老龍長此戰秋聲寒侵虛幌詩增爽綠浸疎醺醉不醒
應許七賢追盛集煩君書入鄙夫名

題時軒

圖書堆裏席凝塵聊與時軒作主人自恐謝安行不免
誰言陶侃困無津東榮曉色高迎日南圃花光得占春
想見戴侯風味勝輕彈珠玉到江濱

題許公塞驛

遐想清游意欲飛巢湖西畔碧山圍高城別後騷人到
小驛春迴燕子歸壁上新詩留醉墨庭前飛絮點征衣
窮愁勿用頻惆悵來歲而今在北扉

題無為秀溪亭

畫橋雕檻接招提新有詩人榜秀溪十頃淨明天上下
兩奩光映水東西飛樓湧殿參差見古木修篁咫尺迷
此景此時君信否綠楊陰裏轉黃鸝

憫旱

食貧那識小槽紅回也簞瓢久屢空翹候載芟歌濟濟
忍看雲漢歎熒熒困窮轉覺蓬心隘憔悴猶憐菜頰豐
坐對驕陽思霈澤日占鳴鶴望穹窿

為興國周少隱題

紫翠森攢面面山箇中佳致為君還憑闌人在風塵表
落紙詩成咳唾間良夜幸陪紅袖醉清時聊伴白鷗閒
籠紗歸去高城晚凝翠堂東月滿灣

為彭積甫題熙春堂

似聞伐石旋誅茅已見高堂蔭樂郊
百里湖山供眼界
滿城桃李動春梢
寒梅過盡看成實
乳燕飛來欲定巢
何日登臨閒信馬
路邊人復少年嘲

田間夜歸有作示王覺民二首

風雲蹤跡付扁舟
水竹生涯寄一邱
世故舉同雞抱鴨
物情無怪馬生牛
百年半向愁中老
萬事當從酒到休
莫愛得官輕得句
爭如飽食對吟搜

江上秋來憶少牢
龜腸尤覺病詩饕
調和索似三分醬
瀕洞看如八斗糟
水在重增風勢惡
湘靈難禁雁聲高
何當一雨洗烟月
為放青光歸我曹

寄題峽州楚塞樓

西陵舊有楚塞樓
太史黃公魯直命名
兵火之餘
掃地盡矣
秦德久至而新之
頓還舊觀
羣賢爭出
佳製爛然成編
德久不鄙示予
且索鄙句

江向西陵勢漸平
萬山環合翠崢嶸
須知楚國嘗為塞
不為涪翁浪得名
人若此賢真俊傑
樓還舊觀煥神明

臨風每聽灘聲咽似怨張儀作暮橫

和陶尉喜雨呈張文伯

賀客休辭酒盞深使君心是老農心精誠已致當時雨
膏澤將為異歲霖得水槁苗俱競秀乘秋高鳥自能吟
宣風宜有中和作夏玉鏘金播八音

和王沖之喜雨呈張文伯

指點邦人著眼看魯侯雩祭正玄端望來已見千山雨
此去那憂百穀乾高廩有期從穡斂犇霆何處起龍蟠

新詩得得書靈應傳與羣公好縱觀

和應資深九日游康樂園二首

村落瀟瀟晚吹生斜陽天際與林平黃花照眼吟肩聳
紅袖扶頭醉帽輕可慣探題仍擊鉢敢辭償令獨浮觥
相逢又復驚相別樽酒何妨意氣傾

里社安閒得久生金華端不羨初平山林應有清修重
軒冕還將道義輕詩捷口占那復藁酒豪盆酌不論觥
一斑已幸窺秋句困廩他時已倒傾

春日郊行和郭希魯二首

縈風楊柳綠絲長
過雨桑麻沃以光
聯騎不妨多載酒
看花無用更燒香
望窮巖電搜詩眼
愁轉車輪感別腸
勝集清游定何處
它年曲水記流觴

坐對烟江疊嶂圖
何如門外翠屏紆
尋芳敢憚攜筇去
命友應從折簡呼
酒裏光陰閒活計
詩餘情思靜功夫
朗吟痛飲真難遇
休問山西日欲晡

和吳子美香林湯韻

泉沸雞籠山下林
潯陽曾記尺餘深
濯鮮淪邠非予事
清暑攘寒蓋我心
物態漫勞私曖曖
靈源當信匪今今
簿書汨沒塵埃久
附驥何時遂滌襟

上巳日阻雨和王冲之韻

被除聊復對江亭
樽酒相從一笑傾
那得此時仍此樂
况逢難弟與難兄
潺潺暮雨簷間溜
滑滑春泥柳外聲
好在海棠紅閣淚
向人悽愴益多情

和竇又勇秋日見訪阻雨見贈

風雨蕭蕭暮不休
頓添寒色送窮秋
已荒深院菊猶在
欲去短亭人強留
千里書遲空噪鵲
四鄰砧亂混鳴鳩
相逢棊戰宜終日
卧稻從他爛不收

和石守道喜雨

夏旱逼小暑種入土者十纔四五而原隰龜坼秧
亦就槁太守張仲友為民請禱翼日片雲作環城
獲一溉之潤而大雨繼之遠邇霑足因觀石徂徠
喜雨之什勉用其韻且俾兒曹同賦庚辰夏五月

庚子

坐聽簷雨快高吟
酒到從酣不厭深
酣戰遂符占蟻信

鬱興良慰望霓心
一時與被堯天澤
四海同蘇傅野霖

霑足豈惟秋有歲
麥田猶及趁犁金

俗諺謂五月犁金
六月犁銀七月犁

土今尚五月故云

伏蒙知縣縣尉二寮友以夏旱得雨賡石徂徠
喜雨韻見貺不可虛辱復嗣其韻書謝併命兒

曹同賦

綠槐陰外聽蟬吟節過分龍夏已深千里亢陽憂歲旱
一時甘雨快人心養禾不害連朝暘沃暑應容數日霖
多謝同寮憐老拙雙南佳句競鏗金

追和東坡和張昌言喜雨呈同官

早魃正須三尺雨飛廉旋布四天雲詩成綵筆揮瓊玖
酒到酡顏散纈紋蓮沼艷翻宵溜急槐庭清送午風薰
欣欣千里農夫慶衰病空慚老使君

和董令升舍人

雨餘沙路潤無泥潏灩溪流與岸齊苒苒年華催我老
酣酣春意得人迷聯珠便覺新詩富浮玉還聽雅唱低
楊柳緩搖陰正午誰家籬落一聲雞

和董令升舍人夢中得句

早晚天書下紫泥如君人物擅三齊才華好自鑿坡進
詩思休從蝶夢迷深院日遲黃鳥轉長橋風軟綠楊低
春容不用相撩撥老去心情似木雞

和張安國舍人

判花西掖妙當年曾見聲華振日邊
文翰共推唐李嶠
功名將踵漢韋賢
江山到處供詩筭
風月多情付酒船
琳館正應聊爾耳
會看鵬擊水三千

和張文紀詠雪二首

萬境沈沈夜氣嚴
廣官曹遭初下水晶簾
三杯強沃澆腸酒

一捻聊分暖硯鹽
已恨梅梢遭挫折
可堪風物為般添
才高柳絮雖難到此語
于今亦惡拈

朝來經閣課楞嚴
撩亂飛花競撲簾
似是青腰誇黑帝
故教姑射恨無鹽
地爐無奈貂裘薄
斗酒難供座客添
詩債惱人眠
不得夜來牋管亦須拈

再和董令升雪二首

春雪初融作燕泥
梅花零落杏花齊
遙山掃翠雲初斂
芳草鋪青路欲迷
別恨每憂兒輩覺
老懷終為世情低
新詩價重連城璧
敢比靈犀獨駭雞

欲下閒庭不蹋泥
但驚飛絮與階齊
一枝誤失禽棲穩
三窟遙應兔跡迷
填塞澗溪還地厚
壅培山阜覺天低

寒光照應東窗白
咿喔應先報曉雞

追和東坡嚴車二雪詩

公詩有意拂廉纖
令似歐陽韻更嚴
犬子亦應慚賦縞
癡兒端合愧誇鹽
飛綿勃窣爭平塹
凍筍槎牙欲墮簷
胡避只今何處是
玉屏森映一峯尖

雪滿江城酒不賒
閉門那患出無車
未容踏凍尋梅萼
應喜臨風見柳花
炭重烏銀爭曉市
蔬挑翠羽荷隣家
何人正下紅蓮幙
大嚼蒸羊手更叉

聖